

စာစဉ်အမှတ်(၁၆)



ခုဒ္ဒကနိကာယ

ဓမ္မပဒပါဠိ







ခုဒ္ဒကနိကာယ

ဓမ္မပဒပါဠိ





# ခုဒ္ဒကနိကာယေ ဓမ္မပဒပါဠိ

## ၁။ ယမကဝဂ္ဂေါ

၁။ မနောပုဗ္ဗင်္ဂမာ ဓမ္မာ၊ မနောသေဋ္ဌာ မနောမယာ။  
မနသာ စေ ပဒုဋ္ဌေန၊ ဘာသတိ ဝါ ကရေတိ ဝါ။  
တတော နံ ဒုက္ခမန္တေတိ၊ စက္ကံ ဝဟတော ပဒံ။

၂။ မနောပုဗ္ဗင်္ဂမာ ဓမ္မာ၊ မနောသေဋ္ဌာ မနောမယာ။  
မနသာ စေ ပသန္ဓေန၊ ဘာသတိ ဝါ ကရေတိ ဝါ။  
တတော နံ သုခမန္တေတိ၊ ဆာယာဝ အနပါယိနီ။

၃။ အက္ခောန္တိ မံ အဝဓိ မံ၊ အဇိနိ မံ အဟာသိ မေ။  
ယေ စ တံ ဥပနယန္တိ၊ ဝေရံ တေသံ န သမ္ပတိ။

၄။ အက္ခောန္တိ မံ အဝဓိ မံ၊ အဇိနိ မံ အဟာသိ မေ။  
ယေ စ တံ နုပနယန္တိ၊ ဝေရံ တေသုပသမ္ပတိ။

## စုဒ္ဓကနိကာယေ

၅။ န ဟိ ဝေရေန ဝေရာနိ၊ သမ္ပန္နိမ ကုဒါစနံ။  
အဝေရေန စ သမ္ပန္နိ၊ သေ ဓမ္မော သနန္တနော။

၆။ ပရေ စ န ဝိဇာနန္တိ၊ မယမေတ္တ ယမာမသေ။  
ယေ စ တတ္ထ ဝိဇာနန္တိ၊ တတော သမ္ပန္နိ မေဂေါ။

၇။ သုဘာနုပဿိံ ဝိဟရန္တ၊ ဣန္ဒြိယေသု အသံဝုတံ။  
ဘောဇနမှိ စာမတ္တညုံ၊ ကုသိတံ ဟိနဝိရိယံ။  
တံ ဝေ ပသဟတိ မာရော၊ ဝါတော ရုက္ခံ ခုဗ္ဗလံ။

၈။ အသုဘာနုပဿိံ ဝိဟရန္တ၊ ဣန္ဒြိယေသု သုသံဝုတံ။  
ဘောဇနမှိ စ မတ္တညုံ၊ သဒ္ဓံ အာရဒ္ဓဝိရိယံ။  
တံ ဝေ နပ္ပသဟတိ မာရော၊ ဝါတော သေလံ ပဗ္ဗတံ။

၉။ အနိက္ကသာဝေါ ကာသာဝံ၊ ယော ဝတ္ထံ ပရိဒဟိဿတိ။  
အပေတော ဒမသစ္စေန၊ န သော ကာသာဝမရဟတိ။

၁၀။ ယော စ ဝန္တကသာဝဿ၊ သီလေသု သုသမာဟိတော။  
ဥပေတော ဒမသစ္စေန၊ သ ဝေ ကာသာဝမရဟတိ။

၁၁။ အသာရေ သာရမတိနော၊ သာရေ စာသာရဒဿိနော။  
တေ သာရံ နာဓိဂစ္ဆန္တိ၊ မိစ္ဆာသင်္ကပ္ပဂေါစရာ။

## မွေပဒပါဠိ

၁၂။ သာရဉ္စ သာရတော ဥတှာ၊ အသာရဉ္စ အသာရတော။  
တေ သာရံ အဓိဂစ္ဆန္တိ၊ သမ္မာသင်္ကပ္ပဂေါစရာ။

၁၃။ ယထာ အဂါရံ ဒုစ္ဆန္တံ၊ ဝုဋ် သမတိဝိဇ္ဈတိ။  
ဧဝံ အဘာဝိတံ စိတ္တံ၊ ရာဂေါ သမတိဝိဇ္ဈတိ။

၁၄။ ယထာ အဂါရံ သုဆန္တံ၊ ဝုဋ် န သမတိဝိဇ္ဈတိ။  
ဧဝံ သုဘာဝိတံ စိတ္တံ၊ ရာဂေါ န သမတိဝိဇ္ဈတိ။

၁၅။ ဣဓ သောစတိ ပေစ္စ သောစတိ၊  
ပါပကာရီ ဥဘယတ္ထ သောစတိ။  
သော သောစတိ သော ဝိဟညတိ၊  
ဒိသ္မာ ကမ္မကိလိဋ္ဌ မတ္တနော။

၁၆။ ဣဓ မောဒတိ ပေစ္စ မောဒတိ၊  
ကတပုညော ဥဘယတ္ထ မောဒတိ။  
သော မောဒတိ သော ပမောဒတိ၊  
ဒိသ္မာ ကမ္မဝိသုဒ္ဓိ မတ္တနော။

၁၇။ ဣဓ တပ္ပတိ ပေစ္စ တပ္ပတိ၊ ပါပကာရီ ဥဘယတ္ထ တပ္ပတိ။  
“ပါပံ မေ ကတ”န္တိ တပ္ပတိ၊  
ဘိယျော တပ္ပတိ ဒုဂ္ဂတိံ ဂတော။



## ရဒ္ဒကနိကာယေ

၁၈။ ဣဓ နန္ဒတိ ပေစ္စ နန္ဒတိ၊ ကတပုညော ဥဘယတ္ထ နန္ဒတိ။

“ပုညံ မေ ကတ”န္တိ နန္ဒတိ၊

ဘိယျော နန္ဒတိ သုဂ္ဂတိံ ဂတော။

၁၉။ ဗဟုမ္ပိ စေ သံဟိတ ဘာသမာနော၊

န တက္ကရော ဟောတိ နရော ပမတ္တော။

ဂေါပေါ ဂါဝေါ ဂဏယံ ပရေသံ၊

န ဘာဂဝါ သာမညဿ ဟောတိ။

၂၀။ အပ္ပမ္ပိ စေ သံဟိတ ဘာသမာနော၊

ဓမ္မဿ ဟောတိ အနုဓမ္မစာရီ။

ရာဂဉ္စ ဒေါသဉ္စ ပဟာယ မောဟံ၊

သမ္ပပ္ပဇာနော သုဝိမုတ္တစိတ္တော။

အနုပါဒိယာနော ဣဓ ဝါ ဟုရံ ဝါ၊

သ ဘာဂဝါ သာမညဿ ဟောတိ။

ယမကဝဂ္ဂေါ ပဌမော နိဋ္ဌိတော။

## ၂။ အပ္ပမာဒဝဂ္ဂေါ

၂၁။ အပ္ပမာဒေါ အမတပဒံ၊ ပမာဒေါ မစ္စုနော ပဒံ။

အပ္ပမတ္တာ န မိယန္တိ၊ ယေ ပမတ္တာ ယထာ မတာ။

၂၂။ ဧဝံ ဝိသေသတော ဥတ္တာ၊ အပ္ပမာဒမ္ပိ ပဏ္ဍိတာ။

အပ္ပမာဒေ ပမောဒန္တိ၊ အရိယာနံ ဂေါစရေ ရတာ။

## ဓမ္မပဒပါဠိ

၂၃။ တေ ဈာယိနော သာတတိကာ၊ နိစ္စံ ဒဠ္ဍပရက္ကမာ။  
ဖုသန္တိ ဇီရာ နိဗ္ဗာနံ၊ ယောဂက္ခေမံ အနုတ္တရံ။

၂၄။ ဥဋ္ဌာနဝတော သတိမတော၊  
သုစိကမ္မဿ နိသမ္မ ကာရိနော။  
သညတဿ ဓမ္မဇီဝိနော၊  
အပ္ပမတ္တဿ ယသော ဘိဝံစုတိ။

၂၅။ ဥဋ္ဌာနေနပ္ပမာဒေန၊ သံယမေန ဒမေန စ။  
ဒီပံ ကယိရာထ မေဓာဝီ၊ ယံ ဩဃော နာဘိကီရတိ။

၂၆။ ပမာဒမနုယုဉ္ဇန္တိ၊ ဗာလာ ဒုမ္မေဓိနော ဇနာ။  
အပ္ပမာဒဉ္စ မေဓာဝီ၊ ဓနံ သေဋ္ဌံဝ ရက္ခတိ။

၂၇။ မာ ပမာဒမနုယုဉ္ဇေထ၊ မာ ကာမရတိသန္တဝံ။  
အပ္ပမတ္တော ဟိ ဈာယန္တော၊ ပပ္ပေါတိ ဝိပုလံ သုခံ။

၂၈။ ပမာဒံ အပ္ပမာဒေန၊ ယဒါ နုဒတိ ပဏ္ဍိတော။  
ပညာပါသာဒမာရူယု၊ အသောကော သောကီနိံ ပဇံ။  
ပဗ္ဗတဌာဝ ဘူမဌေ၊ ဇီရော ဗာလေ အဝေက္ခတိ။

၂၉။ အပ္ပမတ္တော ပမတ္တေသု၊ သုတ္တေသု ဗဟုဇာဂရော။  
အဗလသံဝံ သီဃသော၊ ဟိတ္တာ ယာတိ သုမေဓသော။

## ခုဒ္ဒကနိကာယေ

၃၀။ အပ္ပမာဒေန မဃဝါ၊ ဒေဝါနံ သေဋ္ဌတံ ဂတော။  
အပ္ပမာဒံ ပသံသန္တိ၊ ပမာဒေါ ဂရဟိတော သဒါ။

၃၁။ အပ္ပမာဒရတော ဘိက္ခု၊ ပမာဒေ ဘယဒသိ ဝါ။  
သံယောဇနံ အဏှံ ထူလံ၊ ခုဟံ အဂ္ဂိဝံ ဂစ္ဆတိ။

၃၂။ အပ္ပမာဒရတော ဘိက္ခု၊ ပမာဒေ ဘယဒသိ ဝါ။  
အဘဗ္ဗော ပရိဟာနာယ၊ နိဗ္ဗာနသေဝံ သန္တိကေ။  
အပ္ပမာဒဝဂ္ဂေါ ဒုတိယော နိဋ္ဌိတော။

## ၃။ စိတ္တဝဂ္ဂေါ

၃၃။ ဖန္ဒနံ စပလံ စိတ္တံ၊ ဒူရက္ခံ ဒုန္နိဝါရယံ။  
ဥဇုံ ကရောတိ မေဓာဝီ၊ ဥသုကာရောဝံ ဇောဇနံ။

၃၄။ ဝါရိဇောဝံ ထလေ ခိတ္တော၊ ဩကမောကတဥပ္ပတော။  
ပရိဖန္ဒတိဒံ စိတ္တံ၊ မာရဓေယျံ ပဟာတဝေ။

၃၅။ ဒုန္နိဂ္ဂဟဿ လဟုနော၊ ယတ္ထ ကာမနိပါတိနော။  
စိတ္တဿ ဒမထော သာဓု၊ စိတ္တံ ဒန္တံ သုခါဝဟံ။

၃၆။ သုဒုဒ္ဓသံ သုနိပုဏှံ၊ ယတ္ထ ကာမနိပါတိနံ။  
စိတ္တံ ရက္ခေထ မေဓာဝီ၊ စိတ္တံ ဂုတ္တံ သုခါဝဟံ။



## ဓမ္မပဒပါဠိ

၃၇။ ဒူရင်္ဂမံ ကေစရံ၊ အသရီရံ ဂဟာသယံ။  
ယေ စိတ္တံ သံယမေဿန္တိ၊ မောက္ခန္တိ မာရဗန္ဓနာ။

၃၈။ အနဝဠိတစိတ္တဿ၊ သဒ္ဓမ္မံ အဝိဇာနတော။  
ပရိပ္ပဝပသာဒဿ၊ ပညာ န ပရိပူရတိ။

၃၉။ အနဝဿုတစိတ္တဿ၊ အနန္တာဟတစေတသော။  
ပုညပါပပဟိနဿ၊ နတ္ထိ ဇာဂရတော ဘယံ။

၄၀။ ကုမ္ဘူပမံ ကာယမိမံ ဝိဒိတွာ၊ နဂရူပမံ စိတ္တမိဒံ ဌပေတွာ။  
ယောဓေထ မာရံ ပညာဝုဓေန၊  
ဇိတဉ္စ ရက္ခေ အနိဝေသနော သိယာ။

၄၁။ အစိရံ ဝတယံ ကာယော၊ ပထဝီ အဓိသေဿတိ။  
ဆုဒ္ဓေါ အပေတဝိညာဏော၊ နိရတ္ထံ ကလိင်္ဂရံ။

၄၂။ ဒိသော ဒိသံ ယံ တံ ကယိရာ၊ ဝေရီ ဝါ ပန ဝေရိနံ။  
မိစ္ဆာပဏိဟိတံ စိတ္တံ၊ ပါပိယော နံ တတော ကရေ။

၄၃။ န တံ မာတာ ပိတာ ကယိရာ၊ အညေ ဝါပိ စ ဉာတကာ။  
သမ္မာပဏိဟိတံ စိတ္တံ၊ သေယျသော နံ တတော ကရေ။  
စိတ္တဝဂ္ဂေါ တတိယော နိဋ္ဌိတော။

# ရဒ္ဒကနိကာယေ

## ၄။ ပုပ္ဖဝဂ္ဂေါ

၄၄။ ကော ဣမံ ပထဝိံ ဝိစေဿတိ၊  
 ယမလောကဉ္စ ဣမံ သဒေဝကံ။  
 ကော ဓမ္မပဒံ သုဒေသိတံ၊  
 ကုသလော ပုပ္ဖမိဝ ပစေဿတိ။

၄၅။ သေခေါ ပထဝိံ ဝိစေဿတိ၊  
 ယမလောကဉ္စ ဣမံ သဒေဝကံ။  
 သေခေါ ဓမ္မပဒံ သုဒေသိတံ၊  
 ကုသလော ပုပ္ဖမိဝ ပစေဿတိ။

၄၆။ ဖေဏူပမံ ကာယမိမံ ဝိဒိတွာ၊ မရိဝိဓမ္မံ အဘိသမ္ဗုဓာနော။  
 ဆေတွာန မာရဿ ပပုပ္ဖကာနိ၊  
 အဒဿနံ မစ္စုရာဇဿ ဂစ္ဆေ။

၄၇။ ပုပ္ဖါနိ ဟေဝ ပစိနန္တံ၊ ဗျာသတ္တမနသံ နရံ။  
 သုတ္တံ ဂါမံ မဟောဃောဝ၊ မစ္စု အာဒါယ ဂစ္ဆတိ။

၄၈။ ပုပ္ဖါနိ ဟေဝ ပစိနန္တံ၊ ဗျာသတ္တမနသံ နရံ။  
 အတိတ္တညေဝ ကာမေသု၊ အန္တကော ကုရုတေ ဝသံ။

၄၉။ ယထာပိ ဘမရော ပုပ္ဖံ၊ ဝဏ္ဏဂန္ဓမဟေဌယံ။  
 ပလေတိ ရသမာဒါယ၊ ဇဝံ ဂါမေ မုနီ စရေ။

# ဓမ္မပဒပါဠိ

၅၀။ န ပရေသံ ဝိလောမာနိ၊ န ပရေသံ ကတာကတံ။  
အတ္တနောဝ အဝေက္ခေယျ၊ ကတာနိ အကတာနိ စ။

၅၁။ ယထာပိ ရုစိရံ ပုပ္ဖံ၊ ဝဏ္ဏဝန္တံ အဂန္ဓကံ။  
ဧဝံ သုဘာသိတာ ဝါစ၊ အဖလာ ဟောတိ အကုဗ္ဗတော။

၅၂။ ယထာပိ ရုစိရံ ပုပ္ဖံ၊ ဝဏ္ဏဝန္တံ သုဂန္ဓကံ။  
ဧဝံ သုဘာသိတာ ဝါစ၊ သဖလာ ဟောတိ ကုဗ္ဗတော။

၅၃။ ယထာပိ ပုပ္ဖရာသိမှာ၊ ကယိရာ မာလာဂုဏေ ဗဟူ။  
ဧဝံ ဇာတေန မစ္စေန၊ ကတ္တဗ္ဗံ ကုသလံ ဗဟုံ။

၅၄။ န ပုပ္ဖဂန္ဓော ပဋိဝါတမေတိ၊ န စန္ဒနံ တဂရမလ္လိကာ။  
သတဉ္စ ဂန္ဓော ပဋိဝါတမေတိ၊  
သဗ္ဗာ ဒိသာ သပ္ပုရိသော ပဝါယတိ။

၅၅။ စန္ဒနံ တဂရံ ဝါပိ၊ ဥပ္ပလံ အထ ဝဿိကီ။  
ဧတေသံ ဂန္ဓဇာတာနံ၊ သီလဂန္ဓော အနုတ္တရော။

၅၆။ အပ္ပမတ္တော အယံ ဂန္ဓော၊ ယှာယံ တဂရစန္ဒနံ။  
ယော စ သီလဝတံ ဂန္ဓော၊ ဝါတိ ဒေဝေသု ဥတ္တမော။

၅၇။ တေသံ သမ္ပန္နသီလာနံ၊ အပ္ပမာဒဝိဟာရိနံ။  
သမ္ပဒညာ ဝိမုတ္တာနံ၊ မာရော မဂ္ဂံ န ဝိန္ဒတိ။



## ရဒ္ဒကနိကာယေ

၅၈။ ယထာ သင်္ကာရဌာနသ္မိံ၊ ဥဇ္ဈိတသ္မိံ မဟာပထေ။  
ပဒုမံ တတ္ထ ဇာယေထ၊ သုစိဂန္ဓံ မနောရမံ။

၅၉။ ဧဝံ သင်္ကာရဘူတေသု၊ အန္ဓဘူတေ ပုထုဇ္ဇနေ။  
အတိရောစတိ ပညာယ၊ သမ္မာသမ္ဗုဒ္ဓသာဝကော။  
ပုပ္ဖဝဂ္ဂေါ စတုတ္ထော နိဋ္ဌိတော။

## ၅။ ဗာလဝဂ္ဂေါ

၆၀။ ဒီဃာ ဇာဂရတော ရတ္တိံ၊ ဒီဃံ သန္တဿ ယောဇနံ။  
ဒီဃော ဗာလာနံ သံသာရော၊ သဒ္ဓမ္မံ အဝိဇာနတံ။

၆၁။ စရဉ္စေ နာဓိဂစ္ဆေယျ၊ သေယျံ သဒိသမတ္တနော။  
ကေစရိယံ ဒဠ် ကယိရာ၊ နတ္ထိ ဗာလေ သဟာယတာ။

၆၂။ ပုတ္တာ မတ္ထိ ဓနမ္မတ္ထိ၊ ဣတိ ဗာလော ဝိဟညတိ။  
အတ္တာ ဟိ အတ္တနော နတ္ထိ၊ ကုတော ပုတ္တာ ကုတော ဓနံ။

၆၃။ ယော ဗာလော မညတိ ဗာလျံ၊  
ပဏ္ဍိတော ဝါပိ တေန သော။  
ဗာလော စ ပဏ္ဍိတမာနိ၊ သ ဝေ “ဗာလော”တိ ဝုစ္စတိ။

၆၄။ ယာဝဇီဝမ္ပိ စေ ဗာလော၊ ပဏ္ဍိတံ ပယိရူပါသတိ။  
န သော ဓမ္မံ ဝိဇာနတိ၊ ဒဗ္ဗိ သူပရသံ ယထာ။

## ဓမ္မပဒပါဠိ

၆၅။ မုဟုတ္တမပိ စေ ဝိညု၊ ပဏ္ဍိတံ ပယိရုပါသတိ။  
 ခိပ္ပံ ဓမ္မံ ဝိဇာနာတိ၊ ဇိဝှိ သူပရသံ ယထာ။

၆၆။ စရန္တိ ဗာလာ ဒုဓမ္မဓာ၊ အမိတ္တေနော အတ္တနာ။  
 ကရောန္တာ ပါပကံ ကမ္မံ၊ ယံ ဟောတိ ကဇ္ဈကပ္ပလံ။

၆၇။ န တံ ကမ္မံ ကတံ သာဓု၊ ယံ ကတွာ အနုတပ္ပတိ။  
 ယဿ အသုမုခေါ ရောဒံ၊ ဝိပါကံ ပဋိသေဝတိ။

၆၈။ တဉ္စ ကမ္မံ ကတံ သာဓု၊ ယံ ကတွာ နာနုတပ္ပတိ။  
 ယဿ ပတိတော သုမနော၊ ဝိပါကံ ပဋိသေဝတိ။

၆၉။ မဓုဝါ မညတိ ဗာလော၊ ယာဝ ပါပံ န ပစ္စတိ။  
 ယဒါ စ ပစ္စတိ ပါပံ၊ ဗာလော ဒုက္ခံ နိဂစ္ဆတိ။

၇၀။ မာသေ မာသေ ကုသဂ္ဂေန၊  
 ဗာလော ဘုဉ္ဇေယျ ဘောဇနံ။  
 န သော သင်္ခါတဓမ္မာနံ၊ ကလံ အဂ္ဂတိ သောဠသိံ။

၇၁။ န ဟိ ပါပံ ကတံ ကမ္မံ၊ သဇ္ဈ ခီရံဝ မုစ္စတိ။  
 သဟန္တံ ဗာလမဇ္ဈေတိ၊ ဘသ္မစ္ဆန္ဓောဝ ပါဝကော။

၇၂။ ယာဝဒေဝ အနတ္ထာယ၊ ဥတ္တံ ဗာလဿ ဇာယတိ။  
 ဟန္တိ ဗာလဿ သုက္ကံသံ၊ မုဒ္ဒမဿ ဝိပါတယံ။

## ခုဒ္ဒကနိကာယေ

၇၃။ အသန္တံ ဘာဝနမိစ္ဆေယျ၊ ပုရေက္ခာရဉ္စ ဘိက္ခုသု။  
အာဝါသေသု စ ဣဿရိယံ၊ ပူဇာ ပရကုလေသု စ။

၇၄။ မမေဝ ကတ မညန္တ၊ ဂိဟိပဗ္ဗဇိတာ ဥဘော။  
မမေဝါတိဝသာ အဿ၊ ကိစ္စာကိစ္စေသု ကိသ္မိစိ။  
ဣတိ ဗာလဿ သကံပေါ၊ ဣစ္ဆာ မာနော စ ဝဗ္ဗတိ။

၇၅။ အညာ ဟိ လာဘူပနိသာ၊ အညာ နိဗ္ဗာနဂါမိနိ။  
ဝေမေတံ အဘိညာယ၊ ဘိက္ခု ဗုဒ္ဓဿ သာဝကော။  
သက္ကာရံ နာဘိနန္ဒေယျ၊ ဝိဝေကမနုဗ္ဗဟယေ။  
ဗာလဝဂ္ဂေါ ပဉ္စမော နိဋ္ဌိတော။

## ၆။ ပဏ္ဍိတဝဂ္ဂေါ

၇၆။ နိဇိနံ ပဝတ္တာရံ၊ ယံ ပဿေ ဝဇ္ဇဒဿိနံ။  
နိဂ္ဂယုဝါဒိ မေဓာဝိ၊ တာဒိသံ ပဏ္ဍိတံ ဘဇေ။  
တာဒိသံ ဘဇမာနဿ၊ သေယျော ဟောတိ န ပါပိယော။

၇၇။ ဩဝဒေယျာနုသာသေယျ၊ အသမ္ဘာ စ နိဝါရယေ။  
သတဉ္စိ သော ပိယော ဟောတိ၊  
အသတံ ဟောတိ အပ္ပိယော။

၇၈။ န ဘဇေ ပါပကေ မိတ္တေ၊ န ဘဇေ ပုရိသာဓေမေ။  
ဘဇေထ မိတ္တေ ကလျာဏေ၊ ဘဇေထ ပုရိသုတ္တမေ။

## ဓမ္မပဒပါဠိ

- ၇၉။ ဓမ္မပီတိ သုခံ သေတိ၊ ဝိပ္ပသန္ဓေန စေတသာ။  
အရိယပ္ပဝေဒိတေ ဓမ္မေ၊ သဒါ ရမတိ ပဏ္ဍိတာ။
- ၈၀။ ဥဒကဉ္စိ နယန္တိ နေတ္တိကာ၊ ဥသုကာရာ နမယန္တိ တေဇနံ။  
ဒါရုံ နမယန္တိ တစ္ဆကာ၊ အတ္တာနံ ဒမယန္တိ ပဏ္ဍိတာ။
- ၈၁။ သေလော ယထာ ဧကယနော၊ ဝါတေန န သမီရတိ။  
ဧဝံ နိန္ဒာပသံသာသု၊ န သမိဉ္ဇန္တိ ပဏ္ဍိတာ။
- ၈၂။ ယထာပိ ရဟဒေါ ဂမ္ဘီရော၊ ဝိပ္ပသန္ဓော အနာဝိလော။  
ဧဝံ ဓမ္မာနိ သုတ္တာန၊ ဝိပ္ပသီဒန္တိ ပဏ္ဍိတာ။
- ၈၃။ သဗ္ဗတ္ထ ဝေ သပ္ပုရိသာ စန္ဒိ၊  
န ကာမကာမာ လပယန္တိ သန္ဓော။  
သုခေန ဖုဋ္ဌာ အထ ဝါ ဒုခေန၊  
န ဥစ္စာဝစံ ပဏ္ဍိတာ ဒဿယန္တိ။
- ၈၄။ န အတ္တဟေတု န ပရဿ ဟေတု၊  
န ပုတ္တမိစ္ဆေ န ဓနံ န ရဋ္ဌံ။  
န ဣစ္ဆေယျ အဓမ္မေန သမိဒ္ဓိမတ္တနော၊  
သ သီလဝါ ပညဝါ ဓမ္မိကော သိယာ။
- ၈၅။ အပ္ပကာ တေ မနုဿေသု၊ ယေ ဇနာ ပါရဂါမိနော။  
အထာယံ ဣတရာ ပဇာ၊ တိရမေဝါနုဓာဝတိ။

## ရဒ္ဒကနိကာယေ

၈၆။ ယေ စ ခေါ သမ္ပဒက္ခာတေ၊ ဓမ္မေ ဓမ္မာနုဝတ္တိနော။  
တေ ဇနာ ပါရမေဿန္တိ၊ မစ္စုဇေယျံ သုဒုတ္တရံ။

၈၇။ ကဏှံ ဓမ္မံ ဝိပ္ပဟာယ၊ သုက္ကံ ဘာဝေထ ပဏ္ဍိတော။  
ဩကာ အနောကမာဂမ္မ၊ ဝိဝေကေ ယတ္ထ ဒူရမံ။

၈၈။ တတြာဘိရတိမိစ္ဆေယျ၊ ဟိတွာ ကာမေ အကိဉ္ဇနော။  
ပရိယောဒပေယျ အတ္တာနံ၊ စိတ္တက္ကေသေဟိ ပဏ္ဍိတော။

၈၉။ ယေသံ သမ္မောဓိယဂေါသု၊ သမ္မာ စိတ္တံ သုဘာဝိတံ။  
အာဒါနပဋိနိဿဂ္ဂေ၊ အနုပါဒါယ ယေ ရတာ။  
ခီဏာသဝါ ဇုတိမန္တော၊ တေ လောကေ ပရိနိဗ္ဗုတာ။  
ပဏ္ဍိတဝဂ္ဂေါ ဆဋ္ဌော နိဋ္ဌိတော။

## ၇။ အရဟန္တဝဂ္ဂေါ

၉၀။ ဂတဒ္ဓိနော ဝိသောကဿ၊ ဝိပ္ပမုတ္တဿ သဗ္ဗမိ။  
သဗ္ဗဂန္ထပ္ပဟိနဿ၊ ပရိဋ္ဌာဟော န ဝိဇ္ဇတိ။

၉၁။ ဥယျုဉ္ဇန္တိ သတိမန္တော၊ န နိကေတေ ရမန္တိ တေ။  
ဟံသာဝ ပလ္လလံ ဟိတွာ၊ ဩကမောကံ ဟေန္တိ တေ။

၉၂။ ယေသံ သန္တိစယော နတ္ထိ၊ ယေ ပရိညာတဘောဇနာ။  
သုညတော အနိမိတ္တော စ၊ ဝိမောက္ခော ယေသံ ဂေါစရော။  
အာကာသေ ဝ သကုန္တာနံ၊ ဂတိ တေသံ ဒုရန္တယာ။



# ဓမ္မပဒပါဠိ

၉၃။ ယဿာသဝါ ပရိက္ခိကာ၊ အဟာရေ စ အနိဿိတော။  
 သုညတော အနိမိတ္တော စ၊ ဝိမောက္ခော ယဿ ဂေါစရော။  
 အာကာသေ ဝ သကုန္တာနံ၊ ပဒံ တဿ ဒုရန္တယံ။

၉၄။ ယဿိန္ဒြိယာနိ သမထဂံတာနိ၊  
 အဿာ ယထာ သာရထိနာ သုဒန္တာ။  
 ပဟိနမာနဿ အနာသဝဿ၊  
 ဒေဝါပိ တဿ ဝိဟယန္တိ တာဒိနော။

၉၅။ ပထဝိသမော နော ဝိရဇ္ဈတိ၊  
 ဣန္ဒြိယလုပမော တာဒိ သုဗ္ဗတော။  
 ရဟဒေါ ဝ အပေတကဒ္ဒမော၊  
 သံသာရာ န ဘဝန္တိ တာဒိနော။

၉၆။ သန္တံ တဿ မနံ ဟောတိ၊ သန္တာ ဝါစာ စ ကမ္မ စ။  
 သမ္မဒညာ ဝိမုတ္တဿ၊ ဥပသန္တဿ တာဒိနော။

၉၇။ အဿဒ္ဓေါ အကတညူ စ၊ သန္တိစ္ဆေဒေါ စ ယော နရော။  
 ဟတာဝကာသော ဝန္တာသော၊ သ ဝေ ဥတ္တမပေါရိသော။

၉၈။ ဂါမေ ဝါ ယဒိ ဝါရညေ၊ နိန္ဒေ ဝါ ယဒိ ဝါ ထလေ။  
 ယတ္ထ အရဟန္တာ ဝိဟရန္တိ၊ တံ ဘူမိရာမဏေယျကံ။

## ခုဒ္ဒကနိကာယေ

၉၉။ ရမဏီယာနိ အရညာနိ၊ ယတ္ထ န ရမတိ ဇနော။  
ဝိတရာဂါ ရမိဿန္တိ၊ န တေ ကာမဂဝေသိနော။  
အရဟန္တဝဂ္ဂေါ သတ္တမော နိဋ္ဌိတော။

### ၈။ သဟဿဝဂ္ဂေါ

၁၀၀။ သဟဿမပိ စေ ဝါစ၊ အနတ္ထပဒသံဟိတာ။  
ဧကံ အတ္ထပဒံ သေယျော၊ ယံ သုတွာ ဥပသမ္ပတိ။

၁၀၁။ သဟဿမပိ စေ ဂါထာ၊ အနတ္ထပဒသံဟိတာ။  
ဧကံ ဂါထာပဒံ သေယျော၊ ယံ သုတွာ ဥပသမ္ပတိ။

၁၀၂။ ယော စ ဂါထာ သတံ ဘာသေ၊ အနတ္ထပဒသံဟိတာ။  
ဧကံ ဓမ္မပဒံ သေယျော၊ ယံ သုတွာ ဥပသမ္ပတိ။

၁၀၃။ ယော သဟဿံ သဟဿေန၊ သင်္ဂါမေ မာနုသေ ဇိနော။  
ဧကဉ္စ ဇေယျမတ္တာနံ၊ သ ဝေ သင်္ဂါမဇုတ္တမော။

၁၀၄။ အတ္တာ ဟဝေ ဇိတံ သေယျော၊  
ယာ စာယံ ဣတရာ ပဇာ။  
အတ္တဒန္တဿ ပေါသဿ၊ နိစ္စံ သညတစာရိနော။

၁၀၅။ နေဝ ဒေဝေါ န ဂန္ဓဗ္ဗော၊ န မာရော သဟ ဗြဟ္မနာ။  
ဇိတံ အပဇိတံ ကယိရာ၊ တထာရူပဿ ဇန္တုနော။

## ဓမ္မပဒပါဠိ

၁၀၆။ မာသေ မာသေ သဟသေန၊  
 ယော ယဇေထ သတံ သမံ။  
 ကေဉ္စ ဘာဝိတတ္တာနံ၊ မုဟုတ္တမပိ ပူဇယေ။  
 သာယေဝ ပူဇနာ သေယျော၊ ယဉ္စေ ဝဿသတံ ဟုတံ။

၁၀၇။ ယော စ ဝဿသတံ ဇန္တု၊ အဂ္ဂိံ ပရိစရေ ဝနေ။  
 ကေဉ္စ ဘာဝိတတ္တာနံ၊ မုဟုတ္တမပိ ပူဇယေ။  
 သာယေဝ ပူဇနာ သေယျော၊ ယဉ္စေ ဝဿသတံ ဟုတံ။

၁၀၈။ ယံ ကိဉ္စိ ယိဋ္ဌံ ဝ ဟုတံ ဝ လောကေ၊  
 သံဝစ္ဆရံ ယဇေထ ပုညပေက္ခော။  
 သဗ္ဗမ္ပိ တံ န စတုဘာဂမေတိ၊  
 အဘိဝါဒနာ ဥဇ္ဈဂတေသု သေယျော။

၁၀၉။ အဘိဝါဒနသီလိဿ၊ နိစ္စံ ဂုဇာပစာယိနော။  
 စတ္တာရော ဓမ္မာ ဝဗုန္တိ၊ အာယု ဝဏ္ဏော သုခံ ဗလံ။

၁၁၀။ ယော စ ဝဿသတံ ဇီဝေ၊ ဒုဿီလော အသမာဟိတော။  
 ကောဟံ ဇီဝိတံ သေယျော၊ သီလဝန္တဿ ဈာယိနော။

၁၁၁။ ယော စ ဝဿသတံ ဇီဝေ၊ ဒုပ္ပညော အသမာဟိတော။  
 ကောဟံ ဇီဝိတံ သေယျော၊ ပညဝန္တဿ ဈာယိနော။

## ရဒ္ဒကနိကာယေ

၁၁၂။ ယော စ ဝဿသတံ ဇီဝေ၊ ကုသိတော ဟိနဝီရိယော။  
ကောဟံ ဇီဝိတံ သေယျော၊ ဝီရိယမာရဘတော ဒဋ္ဌံ။

၁၁၃။ ယော စ ဝဿသတံ ဇီဝေ၊ အပဿံ ဥဒယဗ္ဗယံ။  
ကောဟံ ဇီဝိတံ သေယျော၊ ပဿတော ဥဒယဗ္ဗယံ။

၁၁၄။ ယော စ ဝဿသတံ ဇီဝေ၊ အပဿံ အမတံ ပဒံ။  
ကောဟံ ဇီဝိတံ သေယျော၊ ပဿတော အမတံ ပဒံ။

၁၁၅။ ယော စ ဝဿသတံ ဇီဝေ၊ အပဿံ ဓမ္မမုတ္တမံ။  
ကောဟံ ဇီဝိတံ သေယျော၊ ပဿတော ဓမ္မမုတ္တမံ။  
သဟဿဝဂ္ဂေါ အဋ္ဌမော နိဋ္ဌိတော။

## ၉။ ပါပဝဂ္ဂေါ

၁၁၆။ အဘိတ္ထရေထ ကလျာဏော၊ ပါပါ စိတ္တံ နိဝါရယေ။  
ဒန္တံ ကရောတော ပုညံ၊ ပါပသ္မိံ ရမတိ မနော။

၁၁၇။ ပါပဉ္စေ ပုရိသော ကယိရာ၊ န နံ ကယိရာ ပုနပ္ပုနံ။  
န တမ္ပိ ဆန္တံ ကယိရာထ၊ ဒုက္ခော ပါပဿ ဥစ္စယော။

၁၁၈။ ပုညဉ္စေ ပုရိသော ကယိရာ၊ ကယိရာ နံ ပုနပ္ပုနံ။  
တမ္ပိ ဆန္တံ ကယိရာထ၊ သုခေါ ပုညဿ ဥစ္စယော။

## ဓမ္မပဒပါဠိ

- ၁၁၉။ ပါပေါပိ ပဿတိ ဘဒြိ၊ ယာဝ ပါပံ န ပစ္စတိ။  
ယဒါ စ ပစ္စတိ ပါပံ၊ အထ ပါပေါ ပါပါနိ ပဿတိ။
- ၁၂၀။ ဘဒြာပိ ပဿတိ ပါပံ၊ ယာဝ ဘဒြိ န ပစ္စတိ။  
ယဒါ စ ပစ္စတိ ဘဒြိ၊ အထ ဘဒြာ ဘဒြာနိ ပဿတိ။
- ၁၂၁။ မာဝမညေထ ပါပဿ၊ န မန္တံ အာဂမိဿတိ။  
ဥဒဗိန္ဒုနိပါတေန၊ ဥဒကုမ္ဘောပိ ပူရတိ။  
ဗာလော ပူရတိ ပါပဿ၊ ထောကံ ထောကမ္ပိ အာစိနံ။
- ၁၂၂။ မာဝမညေထ ပုညဿ၊ န မန္တံ အာဂမိဿတိ။  
ဥဒဗိန္ဒုနိပါတေန၊ ဥဒကုမ္ဘောပိ ပူရတိ။  
ဇီရော ပူရတိ ပုညဿ၊ ထောကံ ထောကမ္ပိ အာစိနံ။
- ၁၂၃။ ဝါဏီဇောဝ ဘယံ မဂ္ဂံ၊ အပ္ပသတ္ထော မဟဒ္ဓနော။  
ဝိသံ ဇီဝိတုကာမောဝ၊ ပါပါနိ ပရိဝဇ္ဇယေ။
- ၁၂၄။ ပါဏီမ္ပိ စေ ဝဏော နာဿ၊ ဟရေယျ ပါဏီနာ ဝိသံ။  
နာဗ္ဗဏံ ဝိသမန္ဓေတိ၊ နတ္ထိ ပါပံ အကုဗ္ဗတော။
- ၁၂၅။ ယော အပ္ပဒုဋ္ဌဿ နရဿ ဒုဿတိ၊  
သုဒ္ဓဿ ပေါသဿ အနင်္ဂဏဿ။  
တမေဝ ဗာလံ ပစ္စေတိ ပါပံ၊  
သုဒုမော ရဇော ပဋိဝါတံဝ ခိတ္တော။

## ခုဒ္ဒကနိကာယ

၁၂၆။ ဂဟ္ဗမေကေ ဥပ္ပဇ္ဇန္တိ၊ နိရယံ ပါပကမ္မိနော။  
သဂ္ဂံ သုဂတိနော ယန္တိ၊ ပရိနိဗ္ဗန္တိ အနာသဝါ။

၁၂၇။ န အန္တလိက္ခေ န သမုဒ္ဒမဇ္ဈေ၊ န ပဗ္ဗတာနံ ဝိဝရံ ပဝိဿ။  
န ဝိဇ္ဇတိ သော ဇဂတိပ္ပဒေသော၊  
ယတ္ထဋ္ဌိတော မုစ္ဆေယျ ပါပကမ္မာ။

၁၂၈။ န အန္တလိက္ခေ န သမုဒ္ဒမဇ္ဈေ၊ န ပဗ္ဗတာနံ ဝိဝရံ ပဝိဿ။  
န ဝိဇ္ဇတိ သော ဇဂတိပ္ပဒေသော၊  
ယတ္ထဋ္ဌိတံ နပ္ပသဟေယျ မစ္စု။  
ပါပဝဂ္ဂေါ နဝမော နိဋ္ဌိတော။

## ၁၀။ ဒဏ္ဍဝဂ္ဂေါ

၁၂၉။ သဗ္ဗေ တသန္တိ ဒဏ္ဍဿ၊ သဗ္ဗေ ဘာယန္တိ မစ္စုနော။  
အတ္တာနံ ဥပမံ ကတ္တာ၊ န ဟနေယျ န ဃာတယေ။

၁၃၀။ သဗ္ဗေ တသန္တိ ဒဏ္ဍဿ၊ သဗ္ဗေသံ ဇီဝိတံ ပိယံ။  
အတ္တာနံ ဥပမံ ကတ္တာ၊ န ဟနေယျ န ဃာတယေ။

၁၃၁။ သုခကာမာနိ ဘူတာနိ၊ ယော ဒဏ္ဍေန ဝိဟိံ သတိ။  
အတ္တနော သုခမေသာနော၊  
ပေစ္စ သော န လဘတေ သုခံ။

## ဓမ္မပဒပါဠိ

၁၃၂။ သုခကာမာနိ ဘူတာနိ၊ ယော ဒဏ္ဍေန န ဟိ သတိ။  
အတ္တနော သုခမေသာနော၊  
ပေစ္စ သော လဘတေ သုခံ။

၁၃၃။ မာဝေါစ ဖရုသံ ကဉ္စိ၊ ဝုတ္တာ ပဋိဝဒေယျူ တံ။  
ဒုက္ခာ ဟိ သာရမ္ဘကထာ၊ ပဋိဒဏ္ဍာ ဖုသေယျူ တံ။

၁၃၄။ သစေ နေရေသိ အတ္တာနံ၊  
ကံသော ဥပဟတော ယထာ။  
သေ ပတ္တောသိ နိဗ္ဗာနံ၊ သာရမ္ဘော တေ န ဝိဇ္ဇတိ။

၁၃၅။ ယထာ ဒဏ္ဍေန ဂေါပါလော၊ ဂါဝေါ ပါဇေတိ ဂေါစရံ။  
ဝေ ဇရာ စ မဇ္ဈ စ၊ အာယု ပါဇေန္တိ ပါဏိနံ။

၁၃၆။ အထ ပါပါနိ ကမ္မာနိ၊ ကရံ ဗာလော န ဗုဇ္ဈတိ။  
သေဟိ ကမ္မေဟိ ဒုမ္မေဓော၊ အဂ္ဂိဒဗ္ဗောဝ တပ္ပတိ။

၁၃၇။ ယော ဒဏ္ဍေန အဒဏ္ဍေသု၊ အပ္ပဒုဋ္ဌေသု ဒုဿတိ။  
ဒသန္နမညတရံ ဌာနံ၊ ခိပ္ပမေဝ နိဂစ္ဆတိ။

၁၃၈။ ဝေဒနံ ဖရုသံ ဇာနိံ၊ သင်္ခါရဿ စ ဘောဒနံ။  
ဂရုကံ ဝါပိ အာဗာဓံ၊ စိတ္တက္ခေပဉ္စ ပါပုဏေ။



## ရဒ္ဒကနိကာယေ

၁၃၉။ ရာဇတော ဝါ ဥပသဂ္ဂံ၊ အတ္တက္ခာနဉ္စ ဒါရုဏံ။  
ပရိက္ခယဉ္စ ဉာတိနံ၊ ဘောဂါနဉ္စ ပဘဂုံရံ။

၁၄၀။ အထ ဝါဿ အဂါရာနိ၊ အဂ္ဂိ ခုဟတိ ပါဝကော။  
ကာယဿ ဘောဒါ ဒုပ္ပညော၊ နိရယံ သောပပဇ္ဇတိ။

၁၄၁။ န နဂ္ဂစရိယာ န ဇဇ္ဇာ န ပကာ၊  
နာနာသကာ ထဏှိလသာယိကာ ဝါ။  
ရဇောဇလံ ဥက္ကဋ္ဌိကပ္ပဓာနံ၊  
သောဓဇ္ဇေ မစ္စံ အဝိတိဏှကမံ။

၁၄၂။ အလင်္ကတော စေပိ သမံ စရေယျ၊  
သန္တော ဒန္တော နိယတော ဗြဟ္မစာရိ။  
သဗ္ဗေသု ဘူတေသု နိဓာယ ဒဏှံ၊ သော ဗြာဟ္မဏော  
သော သမဏော သ ဘိက္ခု။

၁၄၃။ ဟိရိနိသေဓော ပုရိသော၊ ကောစိ လောကသ္မိ ဝိဇ္ဇတိ။  
ယော နိဒ္ဒံ အပဇောဓေတိ၊ အသော ဘဒ္ဒိဒ္ဓာ ကသာမိဝ။

၁၄၄။ အသော ယထာ ဘဒ္ဒိဒ္ဓာ ကသာနိဝိဇ္ဇော၊  
အာတာပိနော သံဝေဂိနော ဘဝါထ။  
သဒ္ဓါယ သီလေန စ ဝီရိယေန စ၊  
သမာဓိနာ ဓမ္မဝိနိစ္ဆယေန စ။  
သမ္ပန္နဝိဇ္ဇာစရဏာ ပတိဿတာ၊

## ဓမ္မပဒပါဠိ

ဇဟိဿထ ဒုက္ခမိဒံ အနပ္ပကံ။

၁၄၅။ ဥဒကဉ္စိ နယန္တိ နေတ္တိကာ၊ ဥသုကာရာ နမယန္တိ တေဇနံ။  
ဒါရုံ နမယန္တိ တစ္ဆကာ၊ အတ္တာနံ ဒမယန္တိ သုဗ္ဗတာ။  
ဒဏ္ဍဝဂ္ဂေါ ဒသမော နိဋ္ဌိတော။

## ၁၁။ ဇရာဝဂ္ဂေါ

၁၄၆။ ကော န ဟာသော ကိမာနန္ဒော၊ နိစ္စံ ပဇ္ဇလိတေ သတိ။  
အန္ဓကာရေန ဩနဒ္ဓါ၊ ပဒီပံ န ဂဝေသထ။

၁၄၇။ ပဿ စိတ္တကတံ ဗိမ္ဗု၊ အရုကာယံ သမုဿိတံ။  
အာတုရံ ဗဟုသကံပွ၊ ယဿ နတ္ထိ ဓုဝံ ဌိတိ။

၁၄၈။ ပရိဇိဏ္ဍမိဒံ ရူပံ၊ ရောဂနိဋ္ဌံ ပဘာဂုံရံ။  
ဘိဇ္ဇတိ ပူတိသန္ဓေဟော၊ မရဏန္တဉ္စိ ဇီဝိတံ။

၁၄၉။ ယာနိမာနိ အပတ္တာနိ၊ အလာဗူနေဝ သာရဒေ။  
ကာပေါတကာနိ အဋ္ဌိနိ၊ တာနိ ဒိသ္မာန ကာ ရတိ။

၁၅၀။ အဋ္ဌိနံ နဂရံ ကတံ၊ မံသလောဟိတလေပနံ။  
ယတ္ထ ဇရာ စ မစ္စ၊ စ၊ မာနော မက္ခော စ ဩဟိတော။

၁၅၁။ ဇီရန္တိ ဝေ ရာဇေယာ သုစိတ္တာ၊  
အယော သရီရဗ္ဗိ ဇရံ ဥပေတိ။

## ရဒ္ဒကနိကာယေ

သတဉ္စ ဓမ္မော န ဇရံ ဥပေတိ၊  
သန္တော ဟဝေ သမ္ဘိ ပဝေဒယန္တိ။

၁၅၂။ အပ္ပဿုတာယံ ပုရိသော၊ ဗလိဗဒ္ဓေါဝ ဇီရတိ။  
မံသာနိ တဿ ဝမန္တိ၊ ပညာ တဿ န ဝမတိ။

၁၅၃။ အနေကဇာတိသံသာရံ၊ သန္တာဝိဿံ အနိဗ္ဗိဿံ။  
ဂဟကာရံ ဂဝေသန္တော၊ ဒုက္ခာ ဇာတိ ပုနပ္ပုနံ။

၁၅၄။ ဂဟကာရက ဒိဋ္ဌောသိ၊ ပုန ဂေဟံ န ကာဟသိ။  
သဗ္ဗာ တေ ဖာသုကာ ဘဂ္ဂါ၊ ဂဟကုဋ် ဝိသင်္ခိတံ။  
ဝိသင်္ခါရဂတံ စိတ္တံ၊ တဏှာနံ ဓယမဇ္ဈဂါ။

၁၅၅။ အစရိတွာ ဗြဟ္မစရိယံ၊ အလဒ္ဓါ ယောဗ္ဗနေ ဓနံ။  
ဇိဏ္ဏကောဇ္ဇာဝ ဈာယန္တိ၊ ခိဏမစ္ဆေဝ ပလ္လလေ။

၁၅၆။ အစရိတွာ ဗြဟ္မစရိယံ၊ အလဒ္ဓါ ယောဗ္ဗနေ ဓနံ။  
သေန္တိ စာပါတိခိဏာဝ၊ ပုရာဏာနိ အနုတ္တုနံ။  
ဧရာဝဂ္ဂေါ ဧကေဒသမော နိဋ္ဌိတော။

## ၁၂။ အတ္တဝဂ္ဂေါ

၁၅၇။ အတ္တာနဉ္စေ ပိယံ ညော၊ ရက္ခေယျ နံ သုရက္ခိတံ။  
တိဏ္ဍံ အညတရံ ယာမံ၊ ပဋိဇ္ဈေယျ ပဏ္ဍိတော။

## မွေပဒပါဠိ

၁၅၈။ အတ္တနမေဝ ပဌမံ၊ ပတိရူပေ နိဝေသယေ။  
အထညမနုဿာသေယျ၊ န ကိလိဿေယျ ပဏ္ဍိတော။

၁၅၉။ အတ္တနံ စေ တထာ ကယိရာ၊ ယထာညမနုဿာသတိ။  
သုဒန္တော ဝတ ဒမေထ၊ အတ္တာ ဟိ ကိရ ဒုဒ္ဒမော။

၁၆၀။ အတ္တာ ဟိ အတ္တနော နာထော၊  
ကော ဟိ နာထော ပရော သိယာ။  
အတ္တနာ ဟိ သုဒန္တေန၊ နာထံ လဘတိ ဒုလ္လဘံ။

၁၆၁။ အတ္တနာ ဟိ ကတံ ပါပံ၊ အတ္တဇံ အတ္တသမ္ဘဝံ။  
အဘိမတ္ထတိ ဒုမ္မေခံ၊ ဝဇီရံ ဝသ္မမယံ မဏိံ။

၁၆၂။ ယဿ အစ္စန္ဒဒုဿီလျံ၊ မာလုဝါ သာလမိဝေါတ္တတံ။  
ကရောတိ သော တထတ္တာနံ၊ ယထာ နံ ဣစ္ဆတိ ဒိသော။

၁၆၃။ သုကရာနိ အသာဓူနိ၊ အတ္တနော အဟိတာနိ စ။  
ယံ ဝေ ဟိတဉ္စ သာဓုဉ္စ၊ တံ ဝေ ပရမဒုက္ကရံ။

၁၆၄။ ယော သာသနံ အရဟတံ၊ အရိယာနံ ဓမ္မဇီဝိနံ။  
ပဋိက္ခောသတိ ဒုမ္မေဓော၊ ဒိဋ္ဌိံ နိဿာယ ပါပိကံ။  
ဖလာနိ ကဋကဿေဝ၊ အတ္တဃာတာယ ဖလ္လတိ။

၁၆၅။ အတ္တနာ ဟိ ကတံ ပါပံ၊ အတ္တနာ သံကိလိဿတိ။

## ရဒ္ဒကနိကာယေ

အတ္တနာ အကတံ ပါပံ၊ အတ္တနာဝံ ဝိသုဇ္ဈတိ။  
သုဒ္ဓိ အသုဒ္ဓိ ပစ္စတ္တံ၊ နာညော အညံ ဝိသောဓယေ။

၁၆၆။ အတ္တဒတ္တံ ပရတ္တေန၊ ဗဟုနာပိ န ဟာပယေ။  
အတ္တဒတ္တမဘိညာယ၊ သဒတ္တပသုတော သိယာ။  
အတ္တဝဂ္ဂေါ ဒွါဒသမော နိဋ္ဌိတော။

## ၁၃။ လောကဝဂ္ဂေါ

၁၆၇။ ဟိနံ ဓမ္မံ န သေဝေယျ၊ ပမာဒေန န သံဝသေ။  
မိစ္ဆာဒိဋ္ဌိံ န သေဝေယျ၊ န သိယာ လောကဝဗ္ဗနော။

၁၆၈။ ဥတ္တိဋ္ဌေ နပ္ပမဇ္ဇေယျ၊ ဓမ္မံ သုစရိတံ စရေ။  
ဓမ္မစာရီ သုခံ သေတိ၊ အသ္မိံ လောကေ ပရမိံ စ။

၁၆၉။ ဓမ္မံ စရေ သုစရိတံ၊ န နံ ဒုစ္စရိတံ စရေ။  
ဓမ္မစာရီ သုခံ သေတိ၊ အသ္မိံ လောကေ ပရမိံ စ။

၁၇၀။ ယထာ ပုဗ္ဗဋ္ဌကံ ပသော၊ ယထာ ပသော မရီစိကံ။  
ဝေံ လောကံ အဝေက္ခန္တံ၊ မဇ္ဈရာဇာ န ပဿတိ။

၁၇၁။ ထေ ပဿထိမံ လောကံ၊ စိတ္တံ ရာဇေယျပမံ။  
ယတ္ထ ဗာလာ ဝိသီဒန္တိ၊ နတ္ထိ သင်္ဂေါ ဝိဇာနတံ။

## ဓမ္မပဒပါဠိ

၁၇၂။ ယော စ ပုဗ္ဗေ ပမဇ္ဇိတော၊ ပစ္ဆာ သော နပ္ပမဇ္ဇတိ။  
သောမံ လောကံ ပဘာသေတိ၊ အဟ္တာ မုတ္တောဝ စန္ဒိမာ။

၁၇၃။ ယဿ ပါပံ ကတံ ကမ္မံ၊ ကုသလေန ပိဇိယတိ။  
သောမံ လောကံ ပဘာသေတိ၊ အဟ္တာ မုတ္တောဝ စန္ဒိမာ။

၁၇၄။ အန္ဓဘူတော အယံ လောကော၊  
တနုကေတ္တ ဝိပဿတိ။  
သကုဏော ဇာလမုတ္တောဝ၊ အပ္ပေါ သဂ္ဂါယ ဂစ္ဆတိ။

၁၇၅။ ဟံသာဒိစ္စပထေ ယန္တိ၊ အာကာသေ ယန္တိ ဣဒ္ဓိယာ။  
နိယန္တိ စိရာ လောကမှာ၊ ဇေတွာ မာရံ သဝါဟိနိ ။

၁၇၆။ ဧကံ ဓမ္မံ အတီတဿ၊ မုသာဝါဒိဿ ဇန္တုနော။  
ဝိတိဏ္ဏပရလောကဿ၊ နတ္ထိ ပါပံ အကာရိယံ။

၁၇၇။ န ဝေ ကဒရိယာ ဒေဝလောကံ ဝဇ္ဇိ၊  
ဇာလာ ဟဝေ နပ္ပသံသန္တိ ဒါနံ။  
စိရော စ ဒါနံ အနုမောဒမာနော၊  
တေနေဝ သော ဟောတိ သုခီ ပရတ္ထ။

၁၇၈။ ပထဗျာ ဧကရဇ္ဇေန၊ သဂ္ဂဿ ဂမနေန ဝါ။  
သဗ္ဗလောကာဓိပစ္စေန၊ သောတာပတ္တိဖလံ ဝရံ။  
လောကဝဂ္ဂေါ တေရသမော နိဋ္ဌိတော။

## ရဒ္ဒကနိကာယေ

### ၁၄။ ဗုဒ္ဓဝဂ္ဂေါ

၁၇၉။ ယဿ ဇိတံ နာဝဇီယတိ၊

ဇိတံ ယဿ နော ယာတိ ကောစိ လောကေ။

တံ ဗုဒ္ဓမနန္တဂေါစရံ၊ အပဒံ ကေန ပဒေန နေဿထ။

၁၈၀။ ယဿ ဇာလိနီ ဝိသတ္တိကာ၊

တဏှာ နတ္ထိ ကုဟိန္တိ နေတဝေ။

တံ ဗုဒ္ဓမနန္တဂေါစရံ၊ အပဒံ ကေန ပဒေန နေဿထ။

၁၈၁။ ယေ ဈာနပသုတာ ဇီရာ၊ နေက္ခမ္မုပသမေ ရတာ။

ဒေဝိပိ တေသံ ပိဟယန္တိ၊ သမ္မုဒ္ဓါနံ သတီမတံ။

၁၈၂။ ကိစ္ဆော မနုဿပဋိလာဘော၊ ကိစ္ဆံ မစ္စာန ဇိဝိတံ။

ကိစ္ဆံ သဒ္ဓမ္မဿဝနံ၊ ကိစ္ဆော ဗုဒ္ဓါနမုပ္ပါဒေါ။

၁၈၃။ သဗ္ဗပါပဿ အကရဏံ၊ ကုသလဿ ဥပသမ္ပဒါ။

သစိတ္တပရိယောဒပနံ၊ တေ ဗုဒ္ဓါန သာသနံ။

၁၈၄။ ခန္တိ ပရမံ တပေါ တိတိက္ခာ၊ နိဗ္ဗာနံ ပရမံ ဝဒန္တိ ဗုဒ္ဓါ။

န ဟိ ပဗ္ဗဇိတော ပရူပဃာတိ၊

န သမဏော ဟောတိ ပရံ ဝိဟေဌယန္တော။

၁၈၅။ အနုပဝါဒေါ အနုပဃာတော၊

ပါတိမောက္ခေ စ သံဝရော။

## ဓမ္မပဒပါဠိ

မတ္တညုတာ စ ဘတ္တသိဉ္စိ၊ ပန္နိစ္ဆ သယနာသနံ။  
အဓိစိတ္တေ စ အာယောဂေါ၊ ဇေတံ ဗုဒ္ဓါန သာသနံ။

၁၈၆။ န ကဟာပဏာဝသေန၊ တိတ္ထိ ကာမေသု ဝိဇ္ဇတိ။  
အပ္ပဿာဒါ ဒုခါ ကာမာ၊ ဣတိ ဝိညာယ ပဏ္ဍိတော။

၁၈၇။ အပိ ဒိဗ္ဗေသု ကာမေသု၊ ရတိ သော နာဓိဂစ္ဆတိ။  
တဏှက္ခယရတော ဟောတိ၊ သမ္မာသမ္ဗုဒ္ဓသာဝကော။

၁၈၈။ ဗဟုံ ဝေ သရဏံ ယန္တိ၊ ပဗ္ဗတာနိ ဝနာနိ စ။  
အာရာမရက္ခစေတျာနိ၊ မနုဿာ ဘယတဋ္ဌိတာ။

၁၈၉။ နေတံ ခေါ သရဏံ ခေမံ၊ နေတံ သရဏမုတ္တမံ။  
နေတံ သရဏမာဂမ္မ၊ သဗ္ဗဒုက္ခာ ပမုစ္ဆတိ။

၁၉၀။ ယော စ ဗုဒ္ဓိစ္ဆ ခမ္မိစ္ဆ၊ သံဃိစ္ဆ သရဏံ ဂတော။  
စက္ကာရိ အရိယသစ္စာနိ၊ သမ္မပ္ပညာယ ပဿတိ။

၁၉၁။ ဒုက္ခံ ဒုက္ခသမုပ္ပါဒံ၊ ဒုက္ခဿ စ အတိက္ကမံ။  
အရိယံ စဋ္ဌာနိကံ မဂ္ဂံ၊ ဒုက္ခုပဿမဂါမိနံ။

၁၉၂။ ဇေတံ ခေါ သရဏံ ခေမံ၊ ဇေတံ သရဏမုတ္တမံ။  
ဇေတံ သရဏမာဂမ္မ၊ သဗ္ဗဒုက္ခာ ပမုစ္ဆတိ။



## ရဒ္ဒကနိကာယေ

၁၉၃။ ဒုလ္လဘော ပုရိသာဇညော၊ န သော သဗ္ဗတ္ထ ဇာယတိ။  
ယတ္ထ သော ဇာယတိ မိရော၊ တံ ကုလံ သုခမေတေ။

၁၉၄။ သုခေါ ဗုဒ္ဓါနမုပ္ပါဒေါ၊ သုခါ သဒ္ဓမ္မဒေသနာ။  
သုခါ သံဃဿ သာမဂ္ဂိ၊ သမဂ္ဂိနံ တပေါ သုခေါ။

၁၉၅။ ပူဇာရဟော ပူဇယတော၊ ဗုဒ္ဓေ ယဒိ ဝ သာဝကေ။  
ပပဉ္စသမတိက္ကန္တေ၊ တိဏ္ဍသောကပရိဒ္ဒဝေ။

၁၉၆။ တေ တာဒိသေ ပူဇယတော၊  
နိဗ္ဗုတေ အကုတောဘယေ။  
န သက္ကာ ပုညံ သင်္ခါတုံ၊ ကုမေတ္တမပိ ကေနစိ။  
ဗုဒ္ဓဝဂ္ဂေါ စုဒ္ဓသမော နိဋ္ဌိတော။

## ၁၅။ သုခဝဂ္ဂေါ

၁၉၇။ သုသုခံ ဝတ ဇီဝိမ၊ ဝေရိနေသု အဝေရိနော။  
ဝေရိနေသု မနုဿေသု၊ ဝိဟရာမ အဝေရိနော။

၁၉၈။ သုသုခံ ဝတ ဇီဝိမ၊ အာတုရေသု အနာတုရာ။  
အာတုရေသု မနုဿေသု၊ ဝိဟရာမ အနာတုရာ။

၁၉၉။ သုသုခံ ဝတ ဇီဝိမ၊ ဥဿုကေသု အနုဿုကာ။  
ဥဿုကေသု မနုဿေသု၊ ဝိဟရာမ အနုဿုကာ။

## ဓမ္မပဒပါဠိ

၂၀၀။ သုသုခံ ဝတ ဇီဝါမ၊ ယေသံ နော နတ္ထိ ကိဉ္ဇနံ။  
ပီတိဘက္ခန္ဓာ ဘဝိဿာမ၊ ဒေဝါ အာဘဿရာ ယထာ။

၂၀၁။ ဇယံ ဝေရံ ပသဝတိ၊ ဒုက္ခံ သေတိ ပရာဇိတော။  
ဥပသန္တော သုခံ သေတိ၊ ဟိတွာ ဇယပရာဇယံ။

၂၀၂။ နတ္ထိ ရာဂသမော အဂ္ဂိ၊ နတ္ထိ ဒေါသသမော ကလိ။  
နတ္ထိ ခန္ဓသမာ ဒုက္ခာ၊ နတ္ထိ သန္တိပရံ သုခံ။

၂၀၃။ ဇိဃတ္ထပရမာ ရောဂါ၊ သင်္ခါရပရမာ ဒုခါ။  
တေ ဥတွာ ယထာဘူတံ၊ နိဗ္ဗာနံ ပရမံ သုခံ။

၂၀၄။ အာရောဂျပရမာ လာဘာ၊ သန္တုပ္ပါပရမံ ခနံ။  
ဝိဿာသပရမာ ဉာတိ၊ နိဗ္ဗာနံ ပရမံ သုခံ။

၂၀၅။ ပဝိဝေကရသံ ပိတွာ၊ ရသံ ဥပသမဿ စ။  
နိဒ္ဒရော ဟောတိ နိပ္ပါပေါ၊ ဓမ္မပီတိရသံ ပိဝံ။

၂၀၆။ သာဟု ဒဿနမရိယာနံ၊ သန္တိဝိသော သဒါ သုခေါ။  
အဒဿနေန ဗာလာနံ၊ နိစ္စမေဝ သုခီ သိယာ။

၂၀၇။ ဗာလသင်္ဂတစာရီ ဟိ၊ ဒိဃမဒ္ဒါနံ သောစတိ။  
ဒုက္ခော ဗာလေဟိ သံဝါသော၊ အမိတ္တေနေဝ သဗ္ဗဒါ။  
မိရော စ သုခသံဝါသော၊ ဉာတိနံ သမာဂမော။

## ရဒ္ဒကနိကာယေ

၂၀၈။ တသ္မာ ဟိ-

စီရဉ္စ ပညဉ္စ ဗဟုသုတဉ္စ၊ ဧဝေယုသီလံ ဝတဝန္တမရိယံ။  
တံ တာဒိသံ သပ္ပုရိသံ သုမေဓံ၊ ဘဇေေ နက္ခတ္တပထံဝ  
စန္ဒိမာ။

သုခဝဂ္ဂေါ ပန္နရသမော နိဋ္ဌိတော။

## ၁၆။ ပိယဝဂ္ဂေါ

၂၀၉။ အယောဂေ ယုဉ္စမတ္တာနံ၊ ယောဂသ္မိဉ္စ အယောဇယံ။  
အတ္ထံ ဟိတ္တာ ပိယဂ္ဂါဟိ၊ ပိဟေတတ္တာနုယောဂိနံ။

၂၁၀။ မာ ပိယေဟိ သမာဂဉ္စ၊ အပ္ပိယေဟိ ကုဒါစနံ။  
ပိယာနံ အဒဿနံ ဒုက္ခံ၊ အပ္ပိယာနဉ္စ ဒဿနံ။

၂၁၁။ တသ္မာ ပိယံ န ကယိရာထ၊ ပိယာပါယော ဟိ ပါပကော။  
ဂစ္ဆာ တေသံ န ဝိဇ္ဇန္တိ၊ ယေသံ နတ္ထိ ပိယာပ္ပိယံ။

၂၁၂။ ပိယတော ဇာယတိ သောကော၊ ပိယတော ဇာယတိ  
ဘယံ။  
ပိယတော ဝိပ္ပမုတ္တဿ၊ နတ္ထိ သောကော ကုတော ဘယံ။

၂၁၃။ ပေမတော ဇာယတိ သောကော၊ ပေမတော ဇာယတိ  
ဘယံ။  
ပေမတော ဝိပ္ပမုတ္တဿ၊ နတ္ထိ သောကော ကုတော ဘယံ။

# ဓမ္မပဒပါဠိ

၂၁၄။ ရတိယာ ဇာယတီ သောကော၊ ရတိယာ ဇာယတီ ဘယံ။  
ရတိယာ ဝိပ္ပဗုဒ္ဓဿ၊ နတ္ထိ သောကော ကုတော ဘယံ။

၂၁၅။ ကာမတော ဇာယတီ သောကော၊  
ကာမတော ဇာယတီ ဘယံ။  
ကာမတော ဝိပ္ပဗုဒ္ဓဿ၊  
နတ္ထိ သောကော ကုတော ဘယံ။

၂၁၆။ တဏှာယ ဇာယတီ သောကော၊  
တဏှာယ ဇာယတီ ဘယံ။  
တဏှာယ ဝိပ္ပဗုဒ္ဓဿ၊  
နတ္ထိ သောကော ကုတော ဘယံ။

၂၁၇။ သီလဒဿနသမ္ပန္တံ၊ ဓမ္မဋ္ဌံ သစ္စဝေဒိနံ။  
အတ္တနော ကမ္မ ကုဗ္ဗာနံ၊ တံ ဇနော ကုရုတေ ပိယံ။

၂၁၈။ ဆန္ဒဇာတော အနက္ခာတေ၊ မနသာ စ ဖုဇ္ဈော သိယာ။  
ကာမေသု စ အပ္ပဋိဗဒ္ဓမိတ္တော၊ ဥဒ္ဓံသောတောတိ ဝုစ္စတိ။

၂၁၉။ စိရပ္ပဝါသိ' ပုရိသံ၊ ဒူရတော သောတ္ထိမာဂတံ။  
ဉာတိမိတ္တာ သုဟဇ္ဇာ စ၊ အဘိနန္ဒန္တိ အာဂတံ။

၂၂၀။ တထေဝ ကတပုညမ္ပိ၊ အသ္မာ လောကာ ပရံ ဂတံ။  
ပုညာနိ ပဋိဂဏှန္တိ၊ ပိယံ ဉာတိဝံ အာဂတံ။  
ပိယဝဂ္ဂေါ သောဠသမော နိဋ္ဌိတော။

## ခုဒ္ဒကနိကာယေ

### ၁၇။ ကောဓေဂ္ဂေါ

၂၂၁။ ကောဓံ ဇဟေ ဝိပ္ပဇဟေယျ မာနံ၊  
သံယောဇနံ သဗ္ဗမတိက္ကမေယျ။  
တံ နာမရူပသ္မိမသဇ္ဇမာနံ၊ အင်္ဂိဉ္စနံ နာနုပတန္တိ ဒုက္ခာ။

၂၂၂။ ယော ခေ ဥပ္ပတိတံ ကောဓံ၊ ရထံ ဘန္တံဝ ဝါရယေ။  
တမဟံ သာရထိံ ဗြုမိ၊ ရသ္မိဂ္ဂါဟော ဣတရော ဇနော။

၂၂၃။ အက္ခောဓေန ဇိနေ ကောဓံ၊ အသာဓုံ သာဓုနာ ဇိနေ။  
ဇိနေ ကဒရိယံ ဒါနေန၊ သစ္စေနာလိကဝါဒိနံ။

၂၂၄။ သစ္စံ ဘဏေ န ကုဇ္ဈေယျ၊ ဒဇ္ဇာ အပ္ပမ္ဘိ ယာစိတော။  
ဇေတဟိ တိဟိ ဌာနေဟိ၊ ဂစ္ဆေ ဒေဝါန သန္တိကေ။

၂၂၅။ အဟိံသကာ ယေ မုနယော၊ နိစ္စံ ကာယေန သံဝုတာ။  
တေ ယန္တိ အစူတံ ဌာနံ၊ ယတ္ထ ဂန္တိ န သောစရေ။

၂၂၆။ သဒါ ဇာဂရမာနာနံ၊ အဟောရတ္တာနုသိက္ခိနံ။  
နိဗ္ဗာနံ အဓိမုတ္တာနံ၊ အတ္ထံ ဂစ္ဆန္တိ အာသဝါ။

၂၂၇။ ပေါရာဏမေတံ အတုလ၊ နေတံ အဇ္ဇတနာမိဝ။  
နိန္ဒန္တိ တုဏှိမာသီနံ၊ နိန္ဒန္တိ ဗဟုဘာဏိနံ။  
မိတဘာဏိမ္ပိ နိန္ဒန္တိ၊ နတ္ထိ လောကေ အနိန္ဒိတော။

## ဓမ္မပဒပါဠိ

၂၂၈။ န စာဟု န စ ဘဝိဿတိ၊ န စေတရဟိ ဝိဇ္ဇတိ။  
ဧကန္တံ နိဗ္ဗိတော ပေါသော၊ ဧကန္တံ ဝါ ပသံသိတော။

၂၂၉။ ယံ စေ ဝိညူ ပသံသန္တိ၊ အနုဝိစ္စ သုဝေ သုဝေ။  
အစ္ဆိဒ္ဓုတ္တိ မေဓာဝိ၊ ပညာသီလသမာဟိတံ။

၂၃၀။ နိက္ခံ ဇမ္ဗောနဒဿေဝ၊ ကော တံ နိဗ္ဗိတုမရဟတိ။  
ဒေဝါဝိ နံ ပသံသန္တိ၊ ဗြဟ္မနာပိ ပသံသိတော။

၂၃၁။ ကာယပ္ပကောပံ ရက္ခေယျ၊  
ကာယေန သံဝုတော သိယာ။  
ကာယဒုစ္စရိတံ ဟိတွာ၊ ကာယေန သုစရိတံ စရေ။

၂၃၂။ ဝစီပကောပံ ရက္ခေယျ၊ ဝါစာယ သံဝုတော သိယာ။  
ဝစီဒုစ္စရိတံ ဟိတွာ၊ ဝါစာယ သုစရိတံ စရေ။

၂၃၃။ မနောပကောပံ ရက္ခေယျ၊ မနသာ သံဝုတော သိယာ။  
မနောဒုစ္စရိတံ ဟိတွာ၊ မနသာ သုစရိတံ စရေ။

၂၃၄။ ကာယေန သံဝုတာ ဓီရာ၊ အထော ဝါစာယ သံဝုတာ။  
မနသာ သံဝုတာ ဓီရာ၊ တေ ဝေ သုပရိသံဝုတာ။  
ကောဝေဂေါ သတ္တရသမော နိဗ္ဗိတော။

# ရဒ္ဒကနိကာယေ

## ၁၈။ မလဝဂ္ဂေါ

၂၃၅။ ပဏ္ဍုပလာသောဝ ဒါနိသိ၊

ယမပုရိသာပိ စ တေ ဥပဋ္ဌိတာ။

ဥယျောဂမုခေ စ တိဋ္ဌသိ၊

ပါထေယျမ္ပိ စ တေ န ဝိဇ္ဇတိ။

၂၃၆။ သော ကရောဟိ ဒီပမတ္တနော၊

ခိပ္ပံ ဝါယမ ပဏ္ဍိတော ဘဝ။

နိဒ္ဒန္တမလော အနင်္ဂဏော၊

ဒိဗ္ဗံ အရိယဘူမိံ ဥပေဟိသိ။

၂၃၇။ ဥပနီတဝယော စ ဒါနိသိ၊

သမ္ပယာတောသိ ယမဿ သန္တိကေ။

ဝါသော တေ နတ္ထိ အန္တရာ၊ ပါထေယျမ္ပိ စ တေ န ဝိဇ္ဇတိ။

၂၃၈။ သော ကရောဟိ ဒီပမတ္တနော၊

ခိပ္ပံ ဝါယမ ပဏ္ဍိတော ဘဝ။

နိဒ္ဒန္တမလော အနင်္ဂဏော၊ န ပုနံ ဇာတိဇရံ ဥပေဟိသိ။

၂၃၉။ အနုပုဗ္ဗေန မေဓာဝိ၊ ထောကံ ထောကံ ခဏေ ခဏေ။

ကမ္မာရော ရဇတဿေဝ၊ နိဒ္ဒမေ မလမတ္တနော။

၂၄၀။ အယသာဝ မလံ သမုဋ္ဌိတံ၊ တတုဋ္ဌာယ တမေဝ ခါဒတိ။

ဧဝံ အတိဓောနစာရိနံ၊ သာနိ ကမ္မာနိ နယန္တိ ဒုဂ္ဂတိံ။

## ဓမ္မပဒပါဠိ

၂၄၁။ အသဇ္ဈာယမလာ မန္တာ၊ အနုဋ္ဌာနမလာ ဃရာ။  
မလံ ဝဏ္ဏဿ ကောသဇ္ဇံ၊ ပမာဒေါ ရက္ခတော မလံ။

၂၄၂။ မလိတ္ထိယာ ဒုစ္စရိတံ၊ မစ္ဆေရံ ဒေတော မလံ။  
မလာ ဝေ ပါပကာ ဓမ္မာ၊ အသ္မိံ လောကေ ပရမိံ စ။

၂၄၃။ တတော မလာ မလတရံ၊ အဝိဇ္ဇာ ပရမံ မလံ။  
ဧတံ မလံ ပဟန္တိန၊ နိမ္မလာ ဟောထ ဘိက္ခဝေါ။

၂၄၄။ သုဇီဝံ အဟိရိကေန၊ ကာကသူရေန ခံသိနာ။  
ပက္ခန္တိနာ ပဂဗ္ဘေန၊ သံကိလိဋ္ဌေန ဇီဝိတံ။

၂၄၅။ ဟိရိမတာ စ ဒုဇီဝံ၊ နိစ္စံ သုစိဂဝေသိနာ။  
အလိနေနာပွဂဗ္ဘေန၊ သုဒ္ဓါဇီဝေန ပဿတာ။

၂၄၆။ ယော ပါဏမတိပါတေတိ၊ မုသာဝါဒဉ္စ ဘာသတိ။  
လောကေ အဒိန္နမာဒိယတိ၊ ပရဒါရဉ္စ ဂစ္ဆတိ။

၂၄၇။ သုရာမေရယပါနဉ္စ၊ ယော နရော အနုယုဉ္စတိ။  
က္ကဝေဝမေသော လောကသ္မိံ၊ မူလံ ခဏတိ အတ္တနော။

၂၄၈။ ဧဝံ ဘော ပုရိသ ဇာနာဟိ၊ ပါပဓမ္မာ အသညတာ။  
မာ တံ လောဘော အဓမ္မော စ၊ စိရံ ဒုက္ခာယ ရန္တယံ။



## ရဒ္ဒကနိကာယေ

၂၄၉။ ဒဒါတိ ဝေ ယထာသဒ္ဓံ၊ ယထာပသာဒနံ ဇနော။  
တတ္ထ ယော မကံ ဘဝတိ၊ ပရေသံ ပါနဘောဇနော။  
န သော ဒိဝါ ဝါ ရတ္တိံ ဝါ၊ သမာဓိမဓိဂစ္ဆတိ။

၂၅၀။ ယဿ စေတံ သမုစ္ဆန္တံ၊ မူလယစ္စံ သမူဟတံ။  
သ ဝေ ဒိဝါ ဝါ ရတ္တိံ ဝါ၊ သမာဓိမဓိဂစ္ဆတိ။

၂၅၁။ နတ္ထိ ရာဂသမော အဂ္ဂိ၊ နတ္ထိ ဒေါသသမော ဂဟော။  
နတ္ထိ မောဟသမံ ဇာလံ၊ နတ္ထိ တဏှာသမာ နဒီ။

၂၅၂။ သုဒဿံ ဝဇ္ဇမညေသံ၊ အတ္တနော ပန ဒုဒ္ဓသံ။  
ပရေသံ ဟိ သော ဝဇ္ဇာနိ၊ ဩပုနာတိ ယထာ ဘုသံ။  
အတ္တနော ပန ဆာဒေတိ၊ ကလိံ ကိတဝါ သဌော။

၂၅၃။ ပရဝဇ္ဇာနုပဿိဿ၊ နိစ္စံ ဥဇ္ဈာနသညိနော။  
အာသဝါ တဿ ဝဗုန္တိ၊ အာရာ သော အာသဝက္ခယာ။

၂၅၄။ အာကာသေဝ ပဒံ နတ္ထိ၊ သမဏော နတ္ထိ ဗာဟိရေ။  
ပပဉ္စာဘိရတာ ပဇာ၊ နိပ္ပပဉ္စာ တထာဂတာ။

၂၅၅။ အာကာသေဝ ပဒံ နတ္ထိ၊ သမဏော နတ္ထိ ဗာဟိရေ။  
သင်္ခါရာ သဿတာ နတ္ထိ၊ နတ္ထိ ဗုဒ္ဓါနမိဉ္စိတံ။  
မလဝဂ္ဂေါ အဋ္ဌာရသမော နိဋ္ဌိတော။

# ဓမ္မပဒပါဠိ

## ၁၉။ ဓမ္မဌာဝဂေါ

၂၅၆။ န တေန ဟောတိ ဓမ္မဌာ၊ ယေနတ္ထံ သာဟသာ နယေ။  
ယော စ အတ္ထံ အနတ္တဉ္စ၊ ဥဘော နိစ္ဆေယျ ပဏှိတော။

၂၅၇။ အသာဟသေန ဓမ္မေန၊ သမေန နယတိ ပရေ။  
ဓမ္မဿ ဂုတ္တော မေဓာဝိ၊ “ဓမ္မဌာ”တိ ပဝုစ္စတိ။

၂၅၈။ န တေန ပဏှိတော ဟောတိ၊ ယာဝတာ ဗဟု ဘာသတိ။  
ခေမိ အဝေရီ အဘယော၊ “ပဏှိတော”တိ ပဝုစ္စတိ။

၂၅၉။ န တာဝတာ ဓမ္မဓရော၊ ယာဝတာ ဗဟု ဘာသတိ။  
ယော စ အပ္ပမ္ဘိ သုတွာန၊ ဓမ္မံ ကာယေန ပဿတိ။  
သ ဝေ ဓမ္မဓရော ဟောတိ၊ ယော ဓမ္မံ နပ္ပမဇ္ဇတိ။

၂၆၀။ န တေန ထေရော သော ဟောတိ၊  
ယေနဿ ပလိတံ သိရော။  
ပရိပက္ခော ဝယော တဿ၊ “မောဃဇိဏ္ဏော”တိ ဝုစ္စတိ။

၂၆၁။ ယမ္ဘိ သစ္စဉ္စ ဓမ္မော စ၊ အဟိံသာ သံယမော ဒမော။  
သ ဝေ ဝန္တမလော မီရော၊ “ထေရော” ကူတိ ပဝုစ္စတိ။

၂၆၂။ န ဝါက္ခရဏမတ္တေန၊ ဝဏ္ဏပေါက္ခရတာယ ဝါ။  
သာဓုရူပေါ နရော ဟောတိ၊ ကူဿုကံ မစ္ဆရီ သဌော။

## ခုဒ္ဒကနိကာယေ

၂၆၃။ ယဿ စေတံ သမုစ္ဆိန္တံ၊ မူလဃစ္စံ သမူဟတံ။  
သ ဝန္တဒေါသော မေဓာဝီ၊ “သာဓုရူပေါ”တိ ဂုစ္စတိ။

၂၆၄။ န မုဏ္ဍကေန သမဏော၊ အဗ္ဗတော အလိကံ ဘဏံ။  
က္ကစ္ဆာလောဘသမာပန္နော၊ သမဏော ကိံ ဘဝိဿတိ။

၂၆၅။ ယော စ သမေတိ ပါပါနိ၊ အဏုံ ထူလာနိ သဗ္ဗသော။  
သမိတတ္တာ ဟိ ပါပါနံ၊ “သမဏော”တိ ပဂုစ္စတိ။

၂၆၆။ န တေန ဘိက္ခု သော ဟောတိ၊  
ယာဝတာ ဘိက္ခုတေ ပရေ။  
ဝိဿံ ဓမ္မံ သမာဒါယ၊ ဘိက္ခု ဟောတိ န တာဝတာ။

၂၆၇။ ယောဓ ပုညဉ္စ ပါပဉ္စ၊ ဗာဟေတွာ ဗြဟ္မစရိယဝါ။  
သင်္ခါယ လောကေ စရတိ၊ သ ဝေ “ဘိက္ခု”တိ ဂုစ္စတိ။

၂၆၈။ န မောနေန မုနိ ဟောတိ၊ မူဠရူပေါ အဝိဒ္ဓသု။  
ယော စ တုလံဝ ပဂ္ဂယု၊ ဝရမာဒါယ ပဏ္ဍိတော။

၂၆၉။ ပါပါနိ ပရိဝဇ္ဇေတိ၊ သ မုနိ တေန သော မုနိ။  
ယော မုနာတိ ဥဘော လောကေ၊ “မုနိ” တေန ပဂုစ္စတိ။

၂၇၀။ န တေန အရိယော ဟောတိ၊ ယေန ပါဏာနိ ဟိံသတိ။  
အဟိံသာ သဗ္ဗပါဏာနံ၊ “အရိယော”တိ ပဂုစ္စတိ။

## ဓမ္မပဒပါဠိ

၂၇၁။ န သီလဗ္ဗတမတ္ထေန၊ ဗာဟုသစ္စေန ဝါ ပန။  
အထ ဝါ သမာဓိလာဘေန၊ ဝိဝိတ္တသယနေန ဝါ။

၂၇၂။ ဖုဿာမိ နေက္ခမ္မသုခံ၊ အပုထုဇ္ဇနသေဝိတံ။  
ဘိက္ခု ဝိဿာသမာပါဒိ၊ အပ္ပတ္တော အာသဝက္ခယံ။  
ဓမ္မဌဝဂ္ဂေါ ဧကေနဝိသတိမော နိဋ္ဌိတော။

## ၂၀။ မဂ္ဂဝဂ္ဂေါ

၂၇၃။ မဂ္ဂါနဋ္ဌဂီကော သေဋ္ဌော၊ သစ္စာနံ စတုရော ပဒါ။  
ဝိရာဂေါ သေဋ္ဌော ဓမ္မာနံ၊ ဒွိပဒါနဉ္စ စက္ခုမာ။

၂၇၄။ ဇေသေဝ မဂ္ဂေါ နတ္ထညော၊ ဒဿနဿ ဝိသုဒ္ဓိယာ။  
ဧတဉ္စိ တုမေ ပဋိပဇ္ဇထ၊ မာရဿေတံ ပမောဟနံ။

၂၇၅။ ဧတဉ္စိ တုမေ ပဋိပန္နာ၊ ဒုက္ခဿန္တံ ကရိဿထ။  
အက္ခာတော ဝေါ မယာ မဂ္ဂေါ၊ အညာယ သလ္လကန္တနံ။

၂၇၆။ တုမေဟိ ကိစ္စမာတပုံ၊ အက္ခာတာရော တထာဂတာ။  
ပဋိပန္နာ ပမောက္ခန္တိ၊ ဈာယိနော မာရဗန္ဓနာ။

၂၇၇။ “သဗ္ဗေ သင်္ခါရာ အနိစ္စာ”တိ၊ ယဒါ ပညာယ ပဿတိ။  
အထ နိဗ္ဗိန္ဒတိ ဒုက္ခေ၊ သေ မဂ္ဂေါ ဝိသုဒ္ဓိယာ။

# ရဒ္ဒကနိကာယေ

၂၇၈။ “သဗ္ဗေ သင်္ခါရာ ဒုက္ခာ”တိ၊ ယဒါ ပညာယ ပဿတိ။  
 အထ နိဗ္ဗိန္ဒတိ ဒုက္ခေ၊ သေ မဂ္ဂေါ ဝိသုဒ္ဓိယာ။

၂၇၉။ “သဗ္ဗေ ဓမ္မာ အနတ္တာ”တိ၊ ယဒါ ပညာယ ပဿတိ။  
 အထ နိဗ္ဗိန္ဒတိ ဒုက္ခေ၊ သေ မဂ္ဂေါ ဝိသုဒ္ဓိယာ။

၂၈၀။ ဥဋ္ဌာနကာလမိ အနုဋ္ဌဟာနော၊  
 ယုဝါ ဗလီ အာလသိယံ ဥပေတော။  
 သံသန္ဓသကံပ္ပမနော ကုသိတော၊  
 ပညာယ မဂ္ဂံ အလသော န ဝိန္ဒတိ။

၂၈၁။ ဝါစာနုရက္ခိ မနသာ သုသံဝုတော၊  
 ကာယေန စ နာကုသလံ ကယိရာ။  
 ဇေတ တယော ကမ္မပထေ ဝိသောဓယေ၊  
 အာရာဓယေ မဂ္ဂမိသိပ္ပဝေဒိတံ။

၂၈၂။ ယောဂါ ဝေ ဇာယတိ ဘူရိ၊ အယောဂါ ဘူရိသင်္ခယော။  
 ဧတံ ဒွေဓာပထံ ဥတ္တာ၊ ဘဝါယ ဝိဘဝါယ စ။  
 တထာတ္တာနံ နိဝေသေယျ၊ ယထာ ဘူရိ ပဝဗ္ဗတိ။

၂၈၃။ ဝနံ ဆိန္ဒထ မာ ရုက္ခံ၊ ဝနတော ဇာယတေ ဘယံ။  
 ဆေတွာ ဝနဉ္စ ဝနထဉ္စ၊ နိဗ္ဗနာ ဟောထ ဘိက္ခဝေါ။

## ဓမ္မပဒပါဠိ

- ၂၈၄။ ယာဝ ဟိ ဝနထော န ဆိဇ္ဇတိ၊  
 အဏုမတ္တောပိ နရဿ နာရိသု။  
 ပဋိဗဒ္ဓမနောဝ တာဝ သော၊  
 ဝစ္ဆော ခီရပကောဝ မာတရိ။
- ၂၈၅။ ဥစ္ဆန္တိ သိနေဟမတ္တနော ကုမုဒံ သာရဒိကံ။  
 သန္တိမဂ္ဂမေဝ ဗြဟ္မာယ၊ နိဗ္ဗာနံ သုဂတေန ဒေသိတံ။
- ၂၈၆။ က္ကဓ ဝဿံ ဝသိဿာမိ၊ က္ကဓ ဟေမန္တဂိမိသု။  
 က္ကတိ ဗာလော ဝိစိန္တေတိ၊ အန္တရာယံ န ဗုဇ္ဈတိ။
- ၂၈၇။ တံ ပုတ္တပသုသမ္ပတ္တံ၊ ဗျာသတ္တမနသံ နရံ။  
 သုတ္တံ ဂါမံ မဟောဃောဝ၊ မစ္စူ အာဒါယ ဂစ္ဆတိ။
- ၂၈၈။ န သန္တိ ပုတ္တာ တာဏာယ၊ န ပိတာ နာပိ ဗန္ဓဝါ။  
 အန္တကေနာဓိပန္နဿ၊ နတ္ထိ ဉာတိသု တာဏတာ။
- ၂၈၉။ တေမတ္ထဝသံ ဉတ္တာ၊ ပဏ္ဍိတော သီလသံဝုတော။  
 နိဗ္ဗာနဂမနံ မဂ္ဂံ၊ ခိပ္ပမေဝ ဝိသောဓယေ။  
 မဂ္ဂဝဂ္ဂေါ ဝိသတိမော နိဋ္ဌိတော။

## ၂၁။ ပကိဏ္ဍကဝဂ္ဂေါ

- ၂၉၀။ မတ္တာသုခပရိစ္စာဂါ၊ ပဿေ စေ ဝိပုလံ သုခံ။  
 စဇေ မတ္တာသုခံ ခီရော၊ သမ္ပဿံ ဝိပုလံ သုခံ။

## ရဒ္ဒကန်ကာယေ

၂၉၁။ ပရဒက္ခပဓာနေန၊ အတ္တနော သုခမိစ္ဆတိ။  
ဝေရသံသဂ္ဂသံသဋ္ဌော၊ ဝေရာ သော န ပရိမုစ္ဆတိ။

၂၉၂။ ယဉ္ဇိ ကိစ္စံ အပဝိဒ္ဓံ၊ အကိစ္စံ ပန ကယိရတိ။  
ဥဒ္ဓဉာနံ ပမတ္တာနံ၊ တေသံ ဝဗ္ဗန္တိ အာသဝါ။

၂၉၃။ ယေသဉ္စ သုသမာရဒ္ဓါ၊ နိစ္စံ ကာယဂတာ သတိ။  
အကိစ္စံ တေ န သေဝန္တိ၊ ကိစ္စေ သာတစ္စကာရိနော။  
သတာနံ သမ္ပဇာနာနံ၊ အတ္ထံ ဂစ္ဆန္တိ အာသဝါ။

၂၉၄။ မာတရံ ပိတရံ ဟန္တိ၊ ရာဇာနော ဒွေ စ ခတ္တိယေ။  
ရဋ္ဌံ သာနုစရံ ဟန္တိ၊ အနိယော ယာတိ ဗြာဟ္မဏော။

၂၉၅။ မာတရံ ပိတရံ ဟန္တိ၊ ရာဇာနော ဒွေ စ သောတ္တိယေ။  
ဝေယဉ္စပဉ္စမံ ဟန္တိ၊ အနိယော ယာတိ ဗြာဟ္မဏော။

၂၉၆။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ နိစ္စံ ဗုဒ္ဓဂတာ သတိ။

၂၉၇။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ နိစ္စံ ဓမ္မဂတာ သတိ။

၂၉၈။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ နိစ္စံ သံဃဂတာ သတိ။

## ဓမ္မပဒပါဠိ

၂၉၉။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ နိစ္စံ ကာယဂတာ သတိ။

၃၀၀။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ အဟိံသာယ ရတော မနော။

၃၀၁။ သုပ္ပဗုဒ္ဓံ ပဗုဇ္ဈန္တိ၊ သဒါ ဂေါတမသာဝကာ။  
ယေသံ ဒိဝါ စ ရတ္တော စ၊ ဘာဝနာယ ရတော မနော။

၃၀၂။ ဒုပ္ပဗုဒ္ဓံ ဒုရဘိရမံ၊ ဒုရာဝါသာ ဃရာ ဒုခါ။  
ဒုက္ခေသမာနသံဝါသော၊ ဒုက္ခာနုပတိတဒ္ဓဂူ။  
တသ္မာ န စဒ္ဓဂူ သိယာ၊ န စ ဒုက္ခာနုပတိတော သိယာ။

၃၀၃။ သဒ္ဓေါ သီလေန သမ္ပန္နော၊ ယသောဘောဂသမပ္ပိတော။  
ယံ ယံ ပဒေသံ ဘဇေတိ၊ တတ္ထ တတ္ထေဝ ပူဇိတော။

၃၀၄။ ဒူရေ သန္တော ပကာသေန္တိ၊ ဟိမဝန္တေဝ ပဗ္ဗတော။  
အသန္တေတ္ထ န ဒိဿန္တိ၊ ရတ္တိံ ခိတ္တာ ယထာ သရာ။

၃၀၅။ ကောသနံ ကေသေယျံ၊ ကော စရမတန္တိတော။  
ကော ဒမယမတ္တာနံ၊ ဝနန္တေ ရမိတော သိယာ။  
ပကိတ္တကဝဂ္ဂေါ ကေဝီသတိမော နိဋ္ဌိတော။



# ခုဒ္ဒကနိကာယေ

## ၂၂။ နိရယဝဂ္ဂေါ

၃၀၆။ အဘူတဝါဒီ နိရယံ ဥပေတိ၊

ယော ဝါပိ ကတွာ န ကရောမိ စာဟ။

ဥဘောပိ တေ ပေစ္စ သမာ ဘဝန္တိ၊

နိဟိနကမ္မာ မနုဇာ ပရတ္ထ။

၃၀၇။ ကာသာဝကဏ္ဍာ ဗဟဝေါ၊ ပါပဓမ္မာ အသညတာ။

ပါပါ ပါပေဟိ ကမ္မေဟိ၊ နိရယံ တေ ဥပပဇ္ဇရေ။

၃၀၈။ သေယျော အယောဂုဠော ဘုတ္တော၊

တတ္တော အဂ္ဂိသိ ခူပမော။

ယဇ္ဇေ ဘုဉ္ဇေယျ ဒုဿီလော၊ ရဋ္ဌပိဏ္ဍမသညတော။

၃၀၉။ စတ္တာရိ ဌာနာနိ နရော ပမတ္တော၊

အာပဇ္ဇတိ ပရဒါရူပသေဝီ။

အပုညလာဘံ န နိကာမသေယျံ၊

နိန္ဒံ တတိယံ နိရယံ စတုတ္ထံ။

၃၁၀။ အပုညလာဘော စ ဂတိ စ ပါပိကာ၊ ဘိတဿ

ဘိတာယ ရတိ စ ထောကိကာ။

ရာဇာ စ ဒဏ္ဍံ ဂရုကံ ပဏေကိ၊ တသ္မာ နရော ပရဒါရုံ

၃၁၁။ ကုသော ယထာ ဒုဂ္ဂဟိတော၊ ဟတ္ထမေဝါနုကန္တတိ။

သာမညံ ဒုပ္ပရာမဋ္ဌံ၊ နိရယာယုပကမ္မတိ။

## ဓမ္မပဒပါဠိ

၃၁၂။ ယံ ကိဉ္စိ သိထိလံ ကမ္မံ၊ သံကိလိဋ္ဌဉ္စ ယံ ဝတံ။  
သင်္ကဿရံ ဗြဟ္မစရိယံ၊ န တံ ဟောတိ မဟပ္ပလံ။

၃၁၃။ ကယိရာ စေ ကယိရာထေနံ၊ ဒဠမေနံ ပရက္ကမေ။  
သိထိလော ဟိ ပရိဗ္ဗာဇော၊ ဘိယျော အာကီရတေ ရဇံ။

၃၁၄။ အကတံ ဒုက္ကဋ် သေယျော၊ ပစ္စာ တပ္ပတိ ဒုက္ကဋ်။  
ကတဉ္စ သုကတံ သေယျော၊ ယံ ကတွာ နာနုတပ္ပတိ။

၃၁၅။ နဂရံ ယထာ ပစ္စန္တံ၊ ဂုတ္တံ သန္တရဗဟိရံ။  
ဝေံ ဂေါပေထ အတ္တာနံ၊ ခဏော ဝေါ မာ ဥပစ္စဂါ။  
ခဏာတိတာ ဟိ သောစန္တိ၊ နိရယမိ သမပ္ပိတာ။

၃၁၆။ အလဇ္ဇိတာယေ လဇ္ဇန္တိ၊ လဇ္ဇိတာယေ န လဇ္ဇရေ။  
မိစ္ဆာဒိဋ္ဌိသမာဒါနာ၊ သတ္တာ ဂစ္ဆန္တိ ဒုဂ္ဂတိံ။

၃၁၇။ အဘယေ ဘယဒဿိနော၊ ဘယေ စာဘယဒဿိနော။  
မိစ္ဆာဒိဋ္ဌိသမာဒါနာ၊ သတ္တာ ဂစ္ဆန္တိ ဒုဂ္ဂတိံ။

၃၁၈။ အဝဇ္ဇေ ဝဇ္ဇမတိနော၊ ဝဇ္ဇေ စာဝဇ္ဇဒဿိနော။  
မိစ္ဆာဒိဋ္ဌိသမာဒါနာ၊ သတ္တာ ဂစ္ဆန္တိ ဒုဂ္ဂတိံ။

၃၁၉။ ဝဇ္ဇဉ္စ ဝဇ္ဇတော ဥတွာ၊ အဝဇ္ဇဉ္စ အဝဇ္ဇတော။  
သမ္မာဒိဋ္ဌိသမာဒါနာ၊ သတ္တာ ဂစ္ဆန္တိ သုဂ္ဂတိံ။  
နိရယဝဂ္ဂေါ ဒွါဝိသတိမော နိဋ္ဌိတော။

## ခုဒ္ဒကနိကာယေ

### ၂၃။ နာဂဝဂ္ဂေါ

၃၂၀။ အဟံ နာဂေါဝ သင်္ဂါမေ၊ စာပတော ပတိတံ သရံ။  
အတိဝါကျံ တိတိက္ခိဿံ၊ ဒုဿီလော ဟိ ဗဟုဇ္ဇနော။

၃၂၁။ ဒန္တံ နယန္တိ သမိတိံ၊ ဒန္တံ ရာဇာဘိရူဟတိ။  
ဒန္တော သေဋ္ဌော မနုဿေသု၊ ယောတိဝါကျံ တိတိက္ခတိ။

၃၂၂။ ဝရမဿတရာ ဒန္တာ၊ အာဇာနိယာ စ သိန္ဓဝါ။  
ကုဉ္ဇရာ စ မဟာနာဂါ၊ အတ္တဒန္တော တတော ဝရံ။

၃၂၃။ န ဟိ ဧတေဟိ ယာနေဟိ၊ ဂစ္ဆေယျ အဂတံ ဒိသံ။  
ယထာတ္တနာ သုဒန္တေန၊ ဒန္တော ဒန္တေန ဂစ္ဆတိ။

၃၂၄။ ဓနပါလော နာမ ကုဉ္ဇရော၊  
ကဋုကဘေဒနော ဒုန္တိဝါရယော။  
ဗဒ္ဓေါ ကဗဠံ န ဘုဉ္ဇတိ၊  
သုမရတိ နာဂဝနဿ ကုဉ္ဇရော။

၃၂၅။ မိဒ္ဓိ ယဒါ ဟောတိ မဟာဂ္ဂသော စ၊  
နိဒ္ဓါယိတာ သမ္ပရိဝတ္တသာယီ။  
မဟာဝရာဟောဝ နိဝါပပုဋ္ဌော၊  
ပုနပ္ပုန် ဂစ္ဆမုပေတိ မန္ဒော။

## ဓမ္မပဒပါဠိ

၃၂၆။ ကူဒံ ပုရေ စိတ္တမစာရိ စာရိကံ၊  
 ယေနိစ္ဆကံ ယတ္ထကာမံ ယထာသုခံ။  
 တဒဇ္ဇဟံ နိဂ္ဂဟေဿာမိ ယောနိသော၊  
 ဟတ္ထိပ္ပဘိန္ဒံ ဝိယ အကံသဂ္ဂဟော။

၃၂၇။ အပ္ပမာဒရတာ ဟောထ၊ သစိတ္တမနုရက္ခထ။  
 ဒုဂ္ဂါ ဥဒ္ဓရထတ္တာနံ၊ ပဏေံ သန္ဓောဝ ကုဉ္ဇရော။

၃၂၈။ သစေ လဘေထ နိပကံ သဟာယံ၊  
 သဒ္ဓိံ စရံ သာဓုဝိဟာရိဓိရံ။  
 အဘိဘုယျ သဗ္ဗာနိ ပရိဿယာနိ၊  
 စရေယျ တေနတ္ထမနော သတီမာ။

၃၂၉။ နော စေ လဘေထ နိပကံ သဟာယံ၊  
 သဒ္ဓိံ စရံ သာဓုဝိဟာရိဓိရံ။  
 ရာဇာဝ ရဋံ ဝိဇိတံ ပဟာယ၊  
 ဧကော စရေ မာတင်္ဂရဉ္ဇေဝ နာဂေါ။

၃၃၀။ ဧကဿ စရိတံ သေယျော၊ နတ္ထိ ဗာလေ သဟာယတာ။  
 ဧကော စရေ န စ ပါပါနိ ကယိရာ၊  
 အပ္ပေါသုက္ကော မာတင်္ဂရဉ္ဇေဝ နာဂေါ။

## ရဒ္ဒကနိကာယေ

၃၃၁။ အတ္တမိ ဇာတမိ သုခါ သဟာယာ၊  
 တုဋ္ဌိ သုခါ ယာ ဣတရိတရေန။  
 ပုညံ သုခံ ဇီဝိတသင်္ခယမ္ပိ၊  
 သဗ္ဗဿ ဒုက္ခဿ သုခံ ပဟာနံ။

၃၃၂။ သုခါ မတ္တေယျတာ လောကေ၊  
 အထော ပေတ္တေယျတာ သုခါ။  
 သုခါ သာမညတာ လောကေ၊  
 အထော ဗြဟ္မညတာ သုခါ။

၃၃၃။ သုခံ ယာဝ ဇရာ သီလံ၊ သုခါ သဒ္ဓါ ပတိဋ္ဌိတာ။  
 သုခေါ ပညာယ ပဋိလာဘော၊ ပါပါနံ အကရဏံ သုခံ။  
 နာဂဝဂ္ဂေါ တေဝိသတိမော နိဋ္ဌိတော။

## ၂၄။ တဏှာဝဂ္ဂေါ

၃၃၄။ မနုဿေ ပမတ္တစာရိနော၊ တဏှာ ဝဗ္ဗတိ မာလုဝါ ဝိယ။  
 သော ပ္လ္လဝတီ ဟုရာ ဟုရံ၊ ဖလမိစ္ဆံ ဝနသ္မိ ဝါနရော။

၃၃၅။ ယံ သော သဟတေ ဇမ္ဗိ၊  
 တဏှာ လောကေ ဝိသတ္တိကာ။  
 သောကာ တဿ ပဝဗန္တိ၊ အဘိဝဋ္ဌံ ဗီရဏံ။

၃၃၆။ ယော စေတံ သဟတေ ဇမ္ဗိ၊ တဏှံ လောကေ ဒုရစ္စယံ။  
 သောကာ တမှာ ပပတန္တိ၊ ဥဒဗိန္ဒြဝ ပေါက္ခရာ။

## ဓမ္မပဒပါဠိ

၃၃၇။ တံ ဝေါ ဝဒါမိ ဘဒ္ဒံ ဝေါ၊ ယာဝန္တေတ္ထ သမာဂတာ။  
 တဏှာယ မူလံ ခဏထ၊ ဥသီရတ္ထောဝ ဗီရဏံ။  
 မာ ဝေါ နဠဝ သောတောဝ၊ မာရော ဘဉ္စိ ပုနပ္ပုနံ။

၃၃၈။ ယထာပိ မူလေ အနုပဒ္ဒဝေ ဒဋ္ဌေ၊  
 ဆိန္ဒောပိ ရုက္ခော ပုနရေဝ ရူဟတိ။  
 ဝေဋ္ဌိ တဏှာနုသယေ အနူဟဇိတ၊  
 နိဗ္ဗတ္တတိ ဒုက္ခမိဒံ ပုနပ္ပုနံ။

၃၃၉။ ယဿ ဆတ္တိံ သတိ သောတာ၊ မနာပသဝနာ ဘုဿ။  
 မာဟာ ဝဟန္တိ ဒုဒ္ဓိဋ္ဌိံ၊ သင်္ကပ္ပါ ရာဂနိဿိတာ။

၃၄၀။ သဝန္တိ သဗ္ဗမိ သောတာ၊ လတာ ဥပ္ပဇ္ဇ တိဋ္ဌတိ။  
 တဉ္စ ဒိသ္မာ လတံ ဇာတံ၊ မူလံ ပညာယ ဆိန္ဒထ။

၃၄၁။ သရိတာနိ သိနေဟိတာနိ စ၊  
 သောမနဿာနိ ဘဝန္တိ ဇန္တုနော။  
 တေ သာတသိတာ သုခေသိနော၊  
 တေ ဝေ ဇာတိဇရူပဂါ နရာ။

၃၄၂။ တသိဏာယ ပုရက္ခတာ ပဇာ၊  
 ပရိသပ္ပန္တိ သသောဝ ဗန္ဓိတော။  
 သံယောဇနသင်္ဂသတ္တကာ၊ ဒုက္ခမုပေန္တိ ပုနပ္ပုနံ စိရာယ။

## ရဒ္ဒကနိကာယေ

၃၄၃။ တသိကာယ ပုရက္ခတာ ပဇာ၊  
 ပရိသပ္ပန္နိ သသောဝ ဗန္ဓိတော။  
 တသ္မာ တသိဏံ ဝိနောဒယေ၊  
 အာကဇံန္တ ဝိရာဂမတ္တနော။

၃၄၄။ ယော နိဗ္ဗနထော ဝနာဓိမုတ္တော၊  
 ဝနမုတ္တော ဝနမေဝ ဓာဝတိ။  
 တံ ပုဂ္ဂလမေထ ပဿထ၊ မုတ္တော ဗန္ဓနမေဝ ဓာဝတိ။

၃၄၅။ န တံ ဒဋ္ဌံ ဗန္ဓနမာဟု ဓီရာ၊ ယဒါယသံ ဒါရူပေဗ္ဗဇ္ဇေ။  
 သာရတ္တရတ္တာ မဏိကုဏ္ဍလေသု၊  
 ပုတ္တေသု ဒါရေသု စ ယာ အပေက္ခာ။

၃၄၆။ ဧတံ ဒဋ္ဌံ ဗန္ဓနမာဟု ဓီရာ၊ ဩဟာရိနံ သိထိလံ ဒုပ္ပမုဉ္ဇံ။  
 တေမ္ပိ ဆေတွာန ပရိဗ္ဗဇန္တိ၊  
 အနပေက္ခိနော ကာမသုခံ ပဟာယ။

၃၄၇။ ယေ ရာဂရတ္တာနုပတန္တိ သောတံ၊  
 သယံကတံ မက္ခန္ဓကောဝ ဇာလံ။  
 တတေမ္ပိ ဆေတွာန ဝဇန္တိ ဓီရာ၊  
 အနပေက္ခိနော သဗ္ဗဒုက္ခံ ပဟာယ။

၃၄၈။ မုဉ္ဇ ပုရေ မုဉ္ဇ ပစ္ဆတော၊ မဇ္ဈေ မုဉ္ဇ ဘဝဿ ပါရဂူ။  
 သဗ္ဗတ္ထ ဝိမုတ္တမာနသော၊ န ပုနံ ဇာတိဇရံ ဥပေဟိသိ။

## ဓမ္မပဒပါဠိ

၃၄၉။ ဝိတက္ကမထိတဿ ဇန္တုနော၊  
 တိဗ္ဗရာဂဿ သုဘာနုပဿိနော။  
 ဘိယျော တဏှာ ပဝဗ္ဗတိ၊ ယေ ခေါ ဒဠ် ကရောတိ ဗန္ဓနံ။

၃၅၀။ ဝိတက္ကပဿမေ စ ယော ရတော၊  
 အသုဘံ ဘာဝယတေ သဒါ သတော။  
 ယေ ခေါ ဗျန္တိ ကာဟိတိ၊ ယေ ဆေစ္ဆတိ မာရဗန္ဓနံ။

၃၅၁။ နိဠှင်္ဂတော အသန္တာသီ၊ ဝိတတဏှော အနင်္ဂဏော။  
 အစ္ဆိန္တိ ဘဝသလ္လာနိ၊ အန္တိမောယံ သမုဿယော။

၃၅၂။ ဝိတတဏှော အနာဒါနော၊ နိရုတ္တိပဒကောဝိဒေါ။  
 အက္ခရာနံ သန္တိပါတံ၊ ဧညာ ပုဗ္ဗာပရာနိ စ။  
 သ ဝေ "အန္တိမသာရီရော၊  
 မဟာပညော မဟာပုရိသော"တိ ဝုစ္စတိ။

၃၅၃။ သဗ္ဗဘိဘူ သဗ္ဗဝိဒူဟမသ္မိ၊  
 သဗ္ဗေသု ဓမ္မေသု အနုပလိတ္တော။  
 သဗ္ဗဉ္စဟော တဏှက္ခယေ ဝိမုတ္တော၊  
 သယံ အဘိညာယ ကမုဒ္ဒိသေယျံ။

၃၅၄။ သဗ္ဗဒါနံ ဓမ္မဒါနံ ဇိနာတိ၊ သဗ္ဗရသံ ဓမ္မရသော ဇိနာတိ။  
 သဗ္ဗရတိ ဓမ္မရတိ ဇိနာတိ၊  
 တဏှက္ခယော သဗ္ဗဒုက္ခံ ဇိနာတိ။



## ခုဒ္ဒကနိကာယေ

၃၅၅။ ဟနန္တိ ဘောဂါ ဒုဗ္ဗေခံ၊ နော စ ပါရဂဝေသိနော။  
ဘောဂတဏှာယ ဒုဗ္ဗေခော၊ ဟန္တိ အညေဝ အတ္တနံ။

၃၅၆။ တိဏဒေါသာနိ ခေတ္တာနိ၊ ရာဂဒေါသာ အယံ ပဇာ။  
တသ္မာ ဟိ ဝိတရာဂေသု၊ ဒိန္တံ ဟောတိ မဟပ္ပလံ။

၃၅၇။ တိဏဒေါသာနိ ခေတ္တာနိ၊ ဒေါသဒေါသာ အယံ ပဇာ။  
တသ္မာ ဟိ ဝိတဒေါသေသု၊ ဒိန္တံ ဟောတိ မဟပ္ပလံ။

၃၅၈။ တိဏဒေါသာနိ ခေတ္တာနိ၊ မောဟဒေါသာ အယံ ပဇာ။  
တသ္မာ ဟိ ဝိတမောဟေသု၊ ဒိန္တံ ဟောတိ မဟပ္ပလံ။

၃၅၉။ (တိဏဒေါသာနိ ခေတ္တာနိ၊ ဣစ္ဆာဒေါသာ အယံ ပဇာ။  
တသ္မာ ဟိ ဝိဂတိစ္ဆေသု၊ ဒိန္တံ ဟောတိ မဟပ္ပလံ။)  
တိဏဒေါသာနိ ခေတ္တာနိ၊ တဏှာဒေါသာ အယံ ပဇာ။  
တသ္မာ ဟိ ဝိတတဏှေသု၊ ဒိန္တံ ဟောတိ မဟပ္ပလံ။  
တဏှာဝဂ္ဂေါ စတုဝိသတိမော နိဋ္ဌိတော။

## ၂၅။ ဘိက္ခုဝဂ္ဂေါ

၃၆၀။ စက္ခုနာ သံဝရော သာဓု၊ သာဓု သောတေန သံဝရော။  
ဃာနေန သံဝရော သာဓု၊ သာဓု ဇိဂ္ဂါယ သံဝရော။

## ဓမ္မပဒပါဠိ

၃၆၁။ ကာယေန သံဝရော သာဓု၊ သာဓု ဝါစာယ သံဝရော။  
မနသာ သံဝရော သာဓု၊ သာဓု သဗ္ဗတ္ထ သံဝရော။  
သဗ္ဗတ္ထ သံဝတော ဘိက္ခု၊ သဗ္ဗဒုက္ခာ ပမုစ္ဆတိ။

၃၆၂။ ဟတ္ထသံယတော ပါဒသံယတော၊  
ဝါစာသံယတော သံယတုတ္တမော။  
အဇ္ဈတ္တရတော သမာဟိတော၊  
ဧကော သန္တုသိတော တမာဟု ဘိက္ခု။

၃၆၃။ ယော မုခသံယတော ဘိက္ခု၊ မန္တဘာဏီ အနုဒ္ဓတော။  
အတ္တံ ဓမ္မဉ္စ ဒီပေတိ၊ မရရံ တဿ ဘာသိတံ။

၃၆၄။ ဓမ္မာရာမော ဓမ္မရတော၊ ဓမ္မံ အနုဝိစိန္တယံ။  
ဓမ္မံ အနုဿရံ ဘိက္ခု၊ သဒ္ဓမ္မာ န ပရိဟာယတိ။

၃၆၅။ သလ္လာဘံ နာတိမညေယျ၊ နာညေသံ ပိဟယံ စရေ။  
အညေသံ ပိဟယံ ဘိက္ခု၊ သမာဓိံ နာဓိဂစ္ဆတိ။

၃၆၆။ အပ္ပလာဘောပိ စေ ဘိက္ခု၊ သလ္လာဘံ နာတိမညတိ။  
တံ ဝေ ဒေဝါ ပသံသန္တိ၊ သုဒ္ဓါဇိဝိံ အတန္တိတံ။

၃၆၇။ သဗ္ဗသော နာမရူပသ္မိံ၊ ယဿ နတ္ထိ မမာယိတံ။  
အသတာ စ န သောစတိ၊ သ ဝေ “ဘိက္ခု”တိ ဝုစ္ဆတိ။

## ခုဒ္ဒကနိကာယေ

၃၆၈။ မေတ္တာဝိဟာရီ ယော ဘိက္ခု၊ ပသန္နော ဗုဒ္ဓသာသနော။  
အဓိဂစ္ဆေ ပဒံ သန္တံ၊ သင်္ခါရူပသမံ သုခံ။

၃၆၉။ သိဉ္စ ဘိက္ခု က္ကမံ နာဝံ၊ သိတ္တာ တေ လဟုမေဿတိ။  
ဆေတွာ ရာဂဉ္စ ဒေါသဉ္စ၊ တတော နိဗ္ဗာနမေဟိသိ။

၃၇၀။ ပဉ္စ ဆိန္ဒေ ပဉ္စ ဇဟေ၊ ပဉ္စ စုတ္တရိ ဘာဝယေ။  
ပဉ္စ သင်္ခါတိဂေါ ဘိက္ခု၊ “ဩဃတိဇ္ဈော”တိ ဂုစ္စတိ။

၃၇၁။ ဈာယ ဘိက္ခု မာ ပမာဒေါ၊  
မာ တေ ကာမဂုဏေ ရမေသု စိတ္တံ။  
မာ လောဟဂုဉ္ဇံ ဂီလီ ပမတ္ထော၊  
မာ ကန္တိ “ဒုက္ခမိဒ”န္တိ သယုမာနော။

၃၇၂။ နတ္ထိ ဈာနံ အပညဿ၊ ပညာ နတ္ထိ အဈာယတော။  
ယမ္ပိ ဈာနဉ္စ ပညာ စ၊ သ ဝေ နိဗ္ဗာနသန္တိကေ။

၃၇၃။ သုညာဂါရံ ပဝိဋ္ဌဿ၊ သန္တစိတ္တဿ ဘိက္ခုနော။  
အမာနုသီ ရတိ ဟောတိ၊ သမ္မာ ဓမ္မံ ဝိပဿတော။

၃၇၄။ ယတော ယတော သမ္မသတိ၊ ခန္ဓာနံ ဥဒယဗ္ဗယံ။  
လဘတိ ပီတိပါမောဇ္ဇံ၊ အမတံ တံ ဝိဇာနတံ။

# ဓမ္မပဒပါဠိ

၃၇၅။ တကြာယမာဒိ ဘဝတိ၊ ကုဓ ပညဿ ဘိက္ခုနော။  
ကျိန္ဒိယဂုတ္တိ သန္တဋ္ဌိ၊ ပါတိမောက္ခေ ဓ သံဝရော။

၃၇၆။ မိတ္တေ ဘဿေ ကလျာဏေ၊ သုဒ္ဓါဇိဝေ အတန္တိတေ။  
ပဋိသန္တာရဝတျဿ၊ အာစာရကုသလော သိယာ။  
တတော ပါမောဇ္ဇဗဟုလော၊ ဒုက္ခဿန္တံ ကရိဿတိ။

၃၇၇။ ဝဿိကာ ဝိယ ပုပ္ဖိနိ၊ မဒ္ဒဝါနိ ပမုဉ္ဇတိ။  
ဧဝံ ရာဂဉ္စ ဒေါသဉ္စ၊ ဝိပ္ပမုဉ္ဇေထ ဘိက္ခုဝေါ။

၃၇၈။ သန္တကာယော သန္တဝါစော၊ သန္တဝါ သုသမာဟိတော။  
ဝန္တလောကာမိသော ဘိက္ခု၊ “ဥပသန္တော” တိ ဝုစ္စတိ။

၃၇၉။ အတ္တနာ စောဒယတ္တာနံ၊ ပဋိမံသေထ အတ္တနာ။  
သော အတ္တဂုတ္တော သတိမာ၊ သုခံ ဘိက္ခု ဝိဟာဟိသိ။

၃၈၀။ အတ္တာ ဟိ အတ္တနော နာထော၊  
(ကော ဟိ နာထော ပရော သိယာ)  
အတ္တာ ဟိ အတ္တနော ဂတိ။  
တသ္မာ သယမမတ္တာနံ၊ အဿံ ဘဒြိဝ ဝါဏီဇော။

၃၈၁။ ပါမောဇ္ဇဗဟုလော ဘိက္ခု၊ ပသန္တော ဗုဒ္ဓသာသနော။  
အဓိဂစ္ဆေ ပဒံ သန္တံ၊ သမိရူပသမံ သုခံ။

## ရဒ္ဒကနိကာယေ

၃၈၂။ ယော ဟဝေ ဒဟရော ဘိက္ခု၊  
 ယုညတိ ဗုဒ္ဓသာသနေး။  
 သောမံ လောကံ ပဘာသေတိ၊  
 အဗ္ဘာ မုတ္တောဝ စန္ဒိမာ။  
 ဘိက္ခုဝဂ္ဂေါ ပဉ္စဝိသတိမော နိဋ္ဌိတော။

## ၂၆။ ဗြာဟ္မဏဝဂ္ဂေါ

၃၈၃။ ဆိန္ဒု သောတံ ပရက္ကမ္မ၊ ကာမေ ပနဒ ဗြာဟ္မဏ။  
 သမိရာနံ ခယံ ဥတှာ၊ အကတညူသိ ဗြာဟ္မဏ။

၃၈၄။ ယဒါ ဒွယေသု ဓမ္မေသု၊ ပါရဂူ ဟောတိ ဗြာဟ္မဏော။  
 အထဿ သဗ္ဗေ သံယောဂါ၊ အတ္ထံ ဂစ္ဆန္တိ ဇာနတော။

၃၈၅။ ယဿ ပါရံ အပါရံ ဝါ၊ ပါရာပါရံ န ဝိဇ္ဇတိ။  
 ဝိတဒ္ဓရံ ဝိသံယုတ္တံ၊ တမဟံ ဖြုမိ ဗြာဟ္မဏံ။

၃၈၆။ ဈာယိံ ဝိရဇမာသီနံ၊ ကတကိစ္စမနာသဝံ။  
 ဥတ္တမတ္တမနုပ္ပတ္တံ၊ တမဟံ ဖြုမိ ဗြာဟ္မဏံ။

၃၈၇။ ဒိဝါ တပတိ အာဒိစ္စော၊ ရတ္တိမာဘာတိ စန္ဒိမာ။  
 သန္ဓုဒ္ဓေါ ခတ္တိယော တပတိ၊ ဈာယိံ တပတိ ဗြာဟ္မဏော။  
 အထ သဗ္ဗမဟောရတ္တိံ၊ ဗုဒ္ဓေါ တပတိ တေဇသာ။

## ဓမ္မပဒပါဠိ

- ၃၈၈။ ဗာဟိတပါပေါတိ ဗြာဟ္မဏော၊  
သမစရိယာ သမဏောတိ ဝုစ္စတိ။  
ပဗ္ဗာဇယမတ္တနော မလံ၊ တသ္မာ “ပဗ္ဗဇိတော” တိ ဝုစ္စတိ။
- ၃၈၉။ န ဗြာဟ္မဏဿ ပဟရေယျ၊ နာဿ မုဉ္ဇေထ ဗြာဟ္မဏော။  
ဇိ ဗြာဟ္မဏဿ ဟန္တာရံ၊ တတော ဇိ ယဿ မုဉ္ဇတိ။
- ၃၉၀။ န ဗြာဟ္မဏဿေတဒ ကိဉ္စိ သေယျော၊  
ယဒါ နိသေဇော မနသော ပိယေဟိ။  
ယတော ယတော ဟိ သမနော နိဝတ္တတိ၊  
တတော တတော သမ္ပတိမေဝ ဒုက္ခံ။
- ၃၉၁။ ယဿ ကာယေန ဝါစာယ၊ မနသာ နတ္ထိ ဒုက္ကဋ်။  
သံဝုတံ တိဟိ ဌာနေဟိ၊ တမဟံ ဗြူမိ ဗြာဟ္မဏံ။
- ၃၉၂။ ယမ္မာ ဓမ္မံ ဝိဇာနေယျ၊ သမ္မာသမ္ဗုဒ္ဓဒေသိတံ။  
သက္ကန္တံ တံ နမသေယျ၊ အဂ္ဂိဟုတ္တံ ဗြာဟ္မဏော။
- ၃၉၃။ န ဇနာဟိ န ဂေါတ္တေန၊ န ဇစ္စာ ဟောတိ ဗြာဟ္မဏော။  
ယမ္ပိ သစ္စဉ္စ ဓမ္မော စ၊ သော သုစိ သော စ ဗြာဟ္မဏော။
- ၃၉၄။ ကိံ တေ ဇနာဟိ ဒုဗ္ဗေဓ၊ ကိံ တေ အဇိနသာဋိယာ။  
အပ္ပန္နရံ တေ ဂဟနံ၊ ဗာဟိရံ ပရိမဇ္ဇသိ။

## ရဒ္ဒကနိကာယေ

၃၉၅။ ပံသုကူလဓရံ ဇန္တု၊ ကိသံ မေနိသန္တတံ။  
ကေ ဝနသ္မိံ ဈာယန္တံ၊ တမဟံ ဖြုမိ ဗြာဟ္မဏံ။

၃၉၆။ န စာဟံ ဗြာဟ္မဏံ ဖြုမိ၊ ယောနိဇံ မတ္တိသမ္ဘဝံ။  
ဘောဝါဒိ နာမ သော ဟောတိ၊  
သစေ ဟောတိ သကိဉ္စနော။  
အကိဉ္စနံ အနာဒါနံ၊ တမဟံ ဖြုမိ ဗြာဟ္မဏံ။

၃၉၇။ သဗ္ဗသယောဇနံ ဆေတွာ၊ ယော ဝေ န ပရိတဿတိ။  
သင်္ဂါတိဂံ ဝိသယုတ္တံ၊ တမဟံ ဖြုမိ ဗြာဟ္မဏံ။

၃၉၈။ ဆေတွာ နဒ္ဒိံ ဝရတ္တဉ္စ၊ သန္တာနံ သဟနုက္ကမံ။  
ဥက္ခိတ္တပလိဃံ ဗုဒ္ဓံ၊ တမဟံ ဖြုမိ ဗြာဟ္မဏံ။

၃၉၉။ အက္ကောသံ ဝဗေန္ဓု၊ အဒုဋ္ဌော ယော တိတိက္ခတိ။  
ခန္တိဗလံ ဗလ္လာနိကံ၊ တမဟံ ဖြုမိ ဗြာဟ္မဏံ။

၄၀၀။ အက္ကောဓနံ ဝဏဝန္တံ၊ သီလဝန္တံ အနုဿဒံ။  
ဒန္တံ အန္တိမသာရိရံ၊ တမဟံ ဖြုမိ ဗြာဟ္မဏံ။

၄၀၁။ ဝါရိ ပေါက္ခရပတ္တေဝ၊ အာရဂ္ဂေရိဝ သာသပေါ။  
ယော န လိမ္ပတိ ကာမေသု၊ တမဟံ ဖြုမိ ဗြာဟ္မဏံ။

## ဓမ္မပဒပါဠိ

၄၀၂။ ယော ဒုက္ခဿ ပဇာနာတိ၊ ကုဓေဝ ခယမတ္တနော။  
ပန္နဘာရံ ဝိသံယုတ္တံ၊ တမဟံ ဖြုမိ ဗြာဟ္မဏံ။

၄၀၃။ ဂန္တိရပညံ မေဓာဝိ၊ မဂ္ဂါမဂ္ဂဿ ကောဝိဒံ။  
ဥတ္တမတ္တမနုပ္ပတ္တံ၊ တမဟံ ဖြုမိ ဗြာဟ္မဏံ။

၄၀၄။ အသံသဋ္ဌံ ဂဟဋ္ဌေဟိ၊ အနာဂါရေဟိ စူဘယံ။  
အနောကသာရိမပ္ပိစ္ဆံ၊ တမဟံ ဖြုမိ ဗြာဟ္မဏံ။

၄၀၅။ နိဓာယ ဒဏ္ဍံ ဘူတေသု၊ တသေသု ထာဝရေသု စ။  
ယော န ဟန္တိ န ဃာတေတိ၊ တမဟံ ဖြုမိ ဗြာဟ္မဏံ။

၄၀၆။ အဝိရုဒ္ဓံ ဝိရုဒ္ဓေသု၊ အတ္တဒဏ္ဍေသု နိဗ္ဗုတံ။  
သာဒါနေသု အနာဒါနံ၊ တမဟံ ဖြုမိ ဗြာဟ္မဏံ။

၄၀၇။ ယဿ ရာဂေါ စ ဒေါသော စ၊  
မာနော မက္ခော စ ပါတိတော။  
သာသပေါရိဝ အာရဂ္ဂိ၊ တမဟံ ဖြုမိ ဗြာဟ္မဏံ။

၄၀၈။ အကက္ကသံ ဝိညာပနိံ၊ ဂိရံ သစ္စမုဒီရယေ။  
ယာယ နာဘိသဇေ ကဉ္စိ၊ တမဟံ ဖြုမိ ဗြာဟ္မဏံ။

၄၀၉။ ယောဓ ဒီဃံ ဝ ရဿံ ဝါ၊ အကု် ထူလံ သုဘာသုဘံ။  
လောကေ အဒိန္နံ နာဒိယတိ၊ တမဟံ ဖြုမိ ဗြာဟ္မဏံ။



## ခုဒ္ဒကနိကာယေ

၄၁၀။ အာသာ ယဿ န ဝိဇ္ဇန္တိ၊ အသ္မိံ လောကေ ပရမိံ စ။  
နိရာသာသံ ဝိသံယုတ္တံ၊ တမဟံ ဖြုမိ ဗြာဟ္မဏံ။

၄၁၁။ ယဿာလယာ န ဝိဇ္ဇန္တိ၊ အညာယ အကထံကထိ။  
အမတောဂဓမနုပ္ပတ္တံ၊ တမဟံ ဖြုမိ ဗြာဟ္မဏံ။

၄၁၂။ ယောဓ ပုညဉ္စ ပါပဉ္စ၊ ဥဘော သင်္ဂမုပစ္စဂါ။  
အသောကံ ဝိရဇံ သုဒ္ဓံ၊ တမဟံ ဖြုမိ ဗြာဟ္မဏံ။

၄၁၃။ စန္ဒံ ဝိမလံ သုဒ္ဓံ၊ ဝိပ္ပသန္ဓမနာဝိလံ။  
နန္ဒိဘဝပရိက္ခိဏံ၊ တမဟံ ဖြုမိ ဗြာဟ္မဏံ။

၄၁၄။ ယောမံ ပလိပထံ ဒုဂ္ဂံ၊ သံသာရံ မောဟမစ္စဂါ။  
တိဏ္ဍော ပါရဂတော ဈာယိ၊ အနေဇော အကထံကထိ။  
အနုပါဒါယ နိဗ္ဗုတော၊ တမဟံ ဖြုမိ ဗြာဟ္မဏံ။

၄၁၅။ ယောဓ ကာမေ ပဟန္တိန၊ အနာဂါရော ပရိဗ္ဗဇေ။  
ကာမဘဝပရိက္ခိဏံ၊ တမဟံ ဖြုမိ ဗြာဟ္မဏံ။

၄၁၆။ ယောဓ တဏှံ ပဟန္တိန၊ အနာဂါရော ပရိဗ္ဗဇေ။  
တဏှာဘဝပရိက္ခိဏံ၊ တမဟံ ဖြုမိ ဗြာဟ္မဏံ။

၄၁၇။ ဟိတ္တာ မာနုသကံ ယောဂံ၊ ဒိဗ္ဗံ ယောဂံ ဥပစ္စဂါ။  
သဗ္ဗယောဂဝိသံယုတ္တံ၊ တမဟံ ဖြုမိ ဗြာဟ္မဏံ။

## ဓမ္မပဒပါဠိ

၄၁၈။ ဟိတွာ ရတိဉ္စ အရတိဉ္စ၊ သီတိဘူတံ နိရူပဓိံ ။  
သဗ္ဗလောကာဘိဘုံ ဝီရံ၊ တမဟံ ဖြူမိ ဗြာဟ္မဏံ။

၄၁၉။ စုတိံ ယော ဝေဒိ သတ္တာနံ၊ ဥပပတ္တိဉ္စ သဗ္ဗသော။  
အသတ္တံ သုဂတံ ဗုဒ္ဓံ၊ တမဟံ ဖြူမိ ဗြာဟ္မဏံ။

၄၂၀။ ယဿ ဂတိံ န ဇာနန္တိ၊ ဒေဝါ ဂန္ဓဗ္ဗမာနုဿ။  
ဒီဏာသဝံ အရဟန္တံ၊ တမဟံ ဖြူမိ ဗြာဟ္မဏံ။

၄၂၁။ ယဿ ပုရေ စ ပစ္စာ စ၊ မဇ္ဈေ စ နတ္ထိ ကိဉ္စနံ။  
အကိဉ္စနံ အနာဒါနံ၊ တမဟံ ဖြူမိ ဗြာဟ္မဏံ။

၄၂၂။ ဥသဘံ ပဝရံ ဝီရံ၊ မဟေသိံ ဝိဇိတာဝိနံ။  
အနေဇံ နာတကံ ဗုဒ္ဓံ၊ တမဟံ ဖြူမိ ဗြာဟ္မဏံ။

၄၂၃။ ပုဗ္ဗေနိဝါသံ ယော ဝေဒိ၊ သဂ္ဂါပါယဉ္စ ပဿတိ။  
အထော ဇာတိက္ခယံ ပတ္တော၊ အဘိညာဝေါသိတော မုနိ။  
သဗ္ဗဝေါသိတဝေါသာနံ၊ တမဟံ ဖြူမိ ဗြာဟ္မဏံ။  
ဗြာဟ္မဏဝဂ္ဂေါ ဆဗ္ဗိသတိမော နိဋ္ဌိတော။

(ဧတ္တာဝတာ သဗ္ဗပဌမေ ယမကဝဂ္ဂေ စုဒ္ဒသ ဝတ္ထုနိ  
အပ္ပမာဒဝဂ္ဂေ နဝ၊ စိတ္တဝဂ္ဂေ နဝ၊ ပုပ္ဖဝဂ္ဂေ ဒွါဒသ၊ ဗာလဝဂ္ဂေ  
ပန္နရသ၊ ပဏ္ဍိတဝဂ္ဂေ ဧကောဒသ၊ အရဟန္တဝဂ္ဂေ ဒသ၊  
သဟဿဝဂ္ဂေ စုဒ္ဒသ၊ ပါပဝဂ္ဂေ ဒွါဒသ၊ ဒဏ္ဍဝဂ္ဂေ

## ခုဒ္ဒကနိကာယေ

ကောဒသ၊ ဇရာဝဂ္ဂေ နဝ၊ အတ္တဝဂ္ဂေ ဒသ၊ လောကဝဂ္ဂေ  
 ကောဒသ၊ ဗုဒ္ဓဝဂ္ဂေ နဝ၊ သုခဝဂ္ဂေ အဋ္ဌ၊ ပိယဝဂ္ဂေ နဝ၊  
 ကောဓဝဂ္ဂေ အဋ္ဌ၊ မလဝဂ္ဂေ ဒွါဒသ၊ ဓမ္မဋ္ဌဝဂ္ဂေ ဒသ၊  
 မဂ္ဂဝဂ္ဂေ ဒွါဒသ၊ ပကိဏ္ဍကဝဂ္ဂေ နဝ၊ နိရယဝဂ္ဂေ နဝ၊  
 နာဂဝဂ္ဂေ အဋ္ဌ၊ တဏှာဝဂ္ဂေ ဒွါဒသ၊ ဘိက္ခုဝဂ္ဂေ ဒွါဒသ၊  
 ဗြာဟ္မဏဝဂ္ဂေ စတ္တာလီသာတိ ပဉ္စာဓိကာနိ တိဏိ  
 ဝတ္ထုသတာနိ။

သတေဝိသစတုဿတာ၊ စတုသစ္စဝိဘာဝိနာ။

သတတ္တယဉ္စ ဝတ္ထုနံ၊ ပဉ္စာဓိကံ သမုဋ္ဌိတာတိ)။

ဓမ္မပဒေ ဝဂ္ဂါနမုဒ္ဒါနံ-

ယမကပ္ပမာဒေါ စိတ္တံ၊ ပုပ္ဖံ ဗာလေန ပဏ္ဍိတော။

အရဟန္တာ သဟဿဉ္စ၊ ပါပံ ဒဏ္ဍေန တေ ဒသ။

ဇရာ အတ္တာ စ လောကော စ၊ ဗုဒ္ဓေါ သုခံ ပိယေန စ။

ကောဓော မလဉ္စ ဓမ္မဋ္ဌော၊ မဂ္ဂဝဂ္ဂေန ဝိသတိ။

ပကိဏ္ဍံ နိရယော နာဂေါ၊ တဏှာ ဘိက္ခု စ ဗြာဟ္မဏော။

ဧတေ ဆဗ္ဗိသတိ ဝဂ္ဂါ၊ ဒေသိတာဒိစ္စဗန္ဓုနာ။

ဂါထာနမုဒ္ဒါနံ-

ယမကေ ဝိသတိ ဂါထာ၊ အပ္ပမာဒမိ ဒွါဒသ။

ကောဒသ စိတ္တဝဂ္ဂေ၊ ပုပ္ဖဝဂ္ဂမိ သောဠသ။

ဗာလေ စ သောဠသ ဂါထာ၊ ပဏ္ဍိတမိ စတုဒ္ဒသ။

အရဟန္တေ ဒသ ဂါထာ၊ သဟဿေ ဟောန္တိ သောဠသ။

## ဓမ္မပဒပါဠိ

တေရသ ပါပဝဂ္ဂမိ၊ ဒဏ္ဍမိ ဒသ သတ္တ စ။  
 ကောဒသ ဇရာ ဝဂ္ဂေ၊ အတ္တဝဂ္ဂမိ တာ ဒသ။  
 ဒွါဒသ လောကဝဂ္ဂမိ၊ ဗုဒ္ဓဝဂ္ဂမိ ဌာရသ။  
 သုခေ စ ပိယဝဂ္ဂေ စ၊ ဂါထာယော ဟောန္တိ ဒွါဒသ။  
 စုဒ္ဓသ ကောဓဝဂ္ဂမိ၊ မလဝဂ္ဂေ ကဝိသတိ။  
 သတ္တရသ စ ဓမ္မဋ္ဌေ၊ မဂ္ဂဝဂ္ဂေ သတ္တရသ။  
 ပကိဏ္ဍေ သောဠသ ဂါထာ၊ နိရယေ နာဂေ စ စုဒ္ဓသ။  
 ဆဗ္ဗိသ တဏှာဝဂ္ဂမိ၊ တေဝိသ ဘိက္ခုဝဂ္ဂိကာ။  
 ကေတာလီသဂါထာယော၊ ပြာဟ္မဏေ ဝဂ္ဂမုတ္တမေ။  
 ဂါထာသတာနိ စတ္တာရိ၊ တေဝိသ စ ပုနာပရေ။  
 ဓမ္မပဒေ နိပါတမိ၊ ဒေသိတာဒိစ္စဗန္ဓုနာတိ။  
 ဓမ္မပဒပါဠိ နိဋ္ဌိတာ။

